

東
華
續
錄

光緒七十七

臣朱壽朋敬編

臣章圭琛恭校

六月甲子張凱嵩奏貴州剿匪等處火災分別委勘籌款撫恤情形得旨該處剿匪等處火災業經委員查勘籌款撫恤仍著督飭各員分別輕重認真辦理○乙丑劉錦棠奏辦新寧路建置已定請飭提督迅即移防以資整理從之○內寅諭張家口監督錫光奏差滿回京短收盈餘銀兩請減成賠繳一摺著戶部核議具奏○庚午東閣大學士閻敬銘因病乞休不允賞假一月○辛未吳大澂等奏上等竊思庫春與俄國交界地方有界限不清之處因咸豐十一年前戶部侍郎成琦會同俄員建立木界牌八處其夾處土宇界牌最關緊要不知何年毀失編謫土人無從查究查庫春轄境處處與俄接壤臣依克唐阿到任後查閱邊界自庫春河源至圖們江口五百餘里竟無界牌一箇黑頂子山瀕江一帶久被俄人侵佔屢與臣吳大澂照會俄員索還佔地並迭次面商據約辯論該俄員等一味支吾延宕竟於黑頂子地方添設卡兵接通電綫有久假不歸之意旋經吉林將軍臣希元專派協領穆隆阿豐銓等約同俄員會勘僅至沙草峯為俄人所阻未經勘畢而回臣等此次會同俄國所派勘界大臣巴啦諾伏等商議

界務首重立土字牌交界之處次則歸還黑頂子要隘之地據俄員舒利經指出成琦所換地圖上界綫盡處卽咸豐十一年原立土字界牌之所江東有大泡子積水爲記江西與朝鮮偏險城相對該員舒利經卽係當時親自繪圖監立界牌之人言之確鑿並呈出大小圖稿一牌有一牌之圖沙草峯所立土字界牌似非無據等詳查咸豐十一年所換地圖內英尺一寸係俄國里二十五里中國里五十里圖上界綫末處與海口相距幾及一寸係俄里二十餘里以中國里數計之實係四十五里惟咸豐十年條約內云兩國交界與圖們江之會處及該江口相距不過二十里咸豐十年交界道路記文內亦云圖們江左邊距海不過二十里立界牌一箇上寫俄國土字頭現查十一年所立土字界牌之地並未照准條約記文二十里之說等與俄員巴啦諾伏反復辯論該員以爲海灘二十里俄人謂海河除去海河二十里方是江口等以爲江口卽海口中國二十里卽俄國十里沙草峯原立土字界牌既與條約記文不符此時卽應照約更正巴啦諾伏仍以舊圖紅綫爲詞堅執不允此四月二十二日與俄員議立界牌力爭未決之情形也此外尙有應辦事宜數端舊圖內拉字那字兩牌之間有瑪字界牌記文則缺而未立條約內怕字土字兩牌之間有啦薩兩字界牌地圖記文略而不詳現應補立者一也舊立木牌年久易於朽壞鄉民有燒荒之例野火所焚延及牌木難免燬損改用石碑較爲堅固而應換立者二也兩國交

界地段太長牌博中間相去甚遠路徑紛歧山林叢雜未立牌之地難免越界之人自宜酌擇要地多立封堆挖溝爲記愈密愈詳此應辦者三也俄人所佔黑頂子地方設有俄卡現應補立土字界牌該處在紅綫界內臣依克唐阿當卽派員前往接收添設卡倫以清界址此應辦者四也俄員舒利經現畫分圖以英尺一寸爲俄國一里計中國二里較舊圖尤爲細密臣等與該員詳加考核分註漢文俄文應將此圖畫押鈐印中俄各存一分以補舊圖之未備此應辦者五也以上各條均於四月二十六日復議界務時臣等與俄員巴啦諾伏詳細妥商各無異議惟補立土字界牌一節再三辯駁始允於沙草峯南越嶺而下至平岡盡處豎立土字牌以江道計之兩嶺圖展拓十八里逕直里數不過十四里臣等派員前往測量該處距圖們江出海之口順水而下爲中國里三十里計俄里十五里陸路直量爲中國里二十七里計俄里十三里半等自奉諭旨允准後卽於五月十九日約同俄員巴啦諾伏及舒利經克拉多馬秋寬等前往圖們江議立界牌之地親自勘明於二十日將土字石牌公同監立並用灰土石片深埋堅築以期經久所擬記文應寫滿文漢文俄文各二分另繪分圖於六月初七日繕寫完竣臣等卽於是日在殷杵河俄館會同勘界大員巴啦諾伏等畫押鈐印訖將記文地圖各一分由吳大澂回京覆命時面交總理各國事務衙門王大臣存案備查又委圖們江土字界牌以南至海口三十里雖屬俄國

轄境惟江東爲俄界江西爲朝鮮界江水正流全在中國境內中國如有船隻出入口非俄國一國所能攔阻等與巴啦諾伏商議數次該使總以奏請俄廷示諭爲辭應俟商妥後再行定議又寧古塔境內倭字那字兩界牌均與記文條約不甚相符等語押事竣擬再赴三岔口一帶將倭字那字二界牌查勘明確如應更正之處再與巴啦諾伏等妥商辦理合併陳明奏入報聞○壬申兩○欽奉 慈禧端佑康頤昭豫莊誠皇太后懿旨前因皇帝沖齡隨侍一切用人行政王大臣等不能無所稟承因准廷臣之請垂簾聽政並諭自皇帝典學有成卽行親政十餘年來皇帝孜孜念典德業日新近來披閱章奏論斷古今剖決是非樞衡允當本日召見醇親王及軍機大臣禮親王世鐸等諭以自本年冬至大祀 闕丘爲始皇帝親詣行禮並著欽天監選擇吉期於明年舉行親政典禮皇帝聞諭後當卽長跪懇辭醇親王及軍機大臣亦以時事多艱萬幾鉅繁皇帝日就月將學無止境如蒙從緩將來躬親庶務必更能以澈無遺益臻上理實爲天下臣民之幸再三懇懇情詞亦出至誠惟念垂簾之舉本屬一時權宜皇帝繼統御極仰承 穆宗毅皇帝付託之重當此典學有成正宜與內外臣工勤求治理宏濟艱難自應欽遵同治十三年十二月初七日懿旨卽行親政以慰深宮期望之意 壇 廟大祀均應親詣行禮以昭誠敬卽於本年冬至大祀 闕丘爲始躬親致祭並著欽天監於明年正月選擇吉期舉行親政典禮所有

緒十年四月間升任撫臣張之洞以綠兵積弊已久建議分立三軍四軍旋准部議以餉鉅難籌令照例定俸廉餉乾等項免扣成平全數動用儘此例支銀米另議餉章再行會議後經前署撫臣奎斌遵議仿照直隸章程就餉練兵並贖陳沙汰老弱簡練精壯酌裁官員刪併塘汛規復額餉綜核盈虛六條奏奉諭旨該部議奏欽此經兵部戶部會議覆奏十一年十一月接准咨復行令照辦並以原議節省餉乾銀數稍有不符裁汰員弁底冊間有歧異各營公費數目亦有可減仍令詳細查覆等因咨行到督臣到任准移當即分咨太原大同兩鎮刻期舉辦並飭清源局司道確摺餉數分別核議去後查晉省兵氣素弱庫藏無餘既議練兵復籌節餉二者並舉計乏兩全前署撫臣戴原有餉需設法撙節為抽練之計固已煞費經營然究為餉數所拘兵力所限欲求處處周備實亦勢有所難惟臣竊以此舉有關管省兵制全局雖非盡變舊章然就額餉以練主兵原欲策自強而規久遠若留罅漏於此日必費補苴於將來故擬量為變通務使益臻精密論全晉形勢原屬北重於南歷前撫臣固詳言之矣臣以此為不利之論是原定北鎮應設各營旗實已無可議省標居中樞之地既不臨邊又無分汛之責原定設親軍馬步合隊一營步隊兩營馬隊一營萃於一城略嫌偏重是以臣於抵晉之初即將省標原有親軍馬步練兵一百

應行事宜及應復舊制之處著各該衙門敬謹查照成案奏明辦理將此通諭中外知之○剛毅奏查光緒十年四月間升任撫臣張之洞以練兵積弊已久建議分立三軍四軍旋准部議以餉鉅難籌令照例定俸原餉乾等項免扣成平全數動用儘此例支銀米另議餉章再行會議復經前署撫臣奎斌遵議仿照直隸章程餉練兵並贖陳沙汰老弱餉練精壯酌裁官員刪併塘汛規復額餉綜核盈虛六條奏奉諭旨該部議奏欽此經兵部戶部會議奏於十一年十一月接准咨覆行令照辦並以原議節省餉乾銀數稍有不符裁汰員弁底冊間有歧異各營公費數目亦有可減仍令詳細查覆等因咨行到督臣到任准移當即分咨太原大同兩鎮刻期舉辦並飭清源局司道確摺餉數分別核議去後查晉省兵氣素弱庫藏無餘既議練兵復籌節餉二者並舉計乏兩全前署撫臣就原有餉需設法撙節為抽練之計固已煞費經營然究為餉數所拘兵力所限欲求處處周備實亦勢有所難惟臣竊以此舉有關晉省兵制全局雖非盡變舊章然就額餉以練主兵原欲策自強而規久遠若留罅漏於此日必費補苴於將來故擬量為變通務使益臻精密論全營形勢原屬北重於南應前撫臣固詳言之矣臣以此為不刊之論是原定北鎮應設各營旗實已無可議省標居中樞之地既不臨邊又無分汛之責原定設親軍馬步合隊一營步隊兩營馬隊一營萃於一城略嫌偏重是以臣於抵晉之初即將省標原有親軍馬步練兵一百

五十人奏明全數裁遣原營底額概不募補通年計可節省底餉銀二千七百六十七兩零並將原定此數練兵案內應設之親軍馬步合隊一營二百人全行刪除通年復可節省薪公練餉銀一萬二百餘兩東路潞澤一帶控制大行外連豫直邊臨林立山徑分歧原議僅於潞安府設步隊一旗沿邊千有餘里不免有地廣兵單之虞臣擬於澤州府添設步隊一旗計通年應增乾餉銀八千六百八十九兩零仍於蒲州府原設步隊一營五百人裁去二百人改爲一旗計通年可省練餉銀五千七百一十六兩又原議於運城設馬隊一旗平陽府設馬隊一旗汾州府設步隊一旗此三處皆爲省南扼要之區然運城居平陽之南汾州居平陽之北運城既設馬隊則平陽宜設步隊汾州宜設馬隊似應將原設平陽府馬隊改設汾州卽以汾州府原設步隊改設平陽庶幾馬步相間聲氣相聯而於原定兵數餉數仍無出入統計此次就餉練兵撫標挑練馬隊一旗步隊兩營太原鎮挑練馬隊二旗步隊四旗大同鎮挑練馬隊七旗步隊一營較之原設刪除撫標親軍馬步合隊一營二百人刪除蒲州府步隊二百人添設澤州府步隊一旗三百人餘均與原設相同其營制餉章駐紮處所亦悉如奎斌前奏由各該鎮照數編立均於十二年正月初一日一律成軍原有各練營應支餉乾亦均於是日截止至應裁馬步各兵自光緒十年正月起到十一年二月止共裁省標兩鎮馬步額兵四千三百六十名臣接辦後續裁省標馬步兵一

百五十名太原鎮各營塘汛兵一千名大同鎮塘汛兵四百名前後共裁馬步兵五千九百一十名官馬三百一十三匹通年節省裁兵餉乾米豆等銀七萬九千三百兩零裁減官弁六十八員除改設守備以下十八員實裁都司六員守備一員千總七員把總二十三員外委十三員共五十員例馬八十八匹官馬一十三匹均於十一年十二月底與新裁塘汛各兵一律停支俸餉通年節省裁官俸養廉餉乾五千八百三十一兩零酌減綠營公費銀八百六十八兩零合之議准規復成平銀一十萬六千八百二十五兩零通計每年節省規復可備練兵之需者實共銀一十九萬二千八百四十六兩有奇今就所練各營旗應支薪公練餉練乾核算通年實需銀一十六萬八千四百七十兩有奇並兩鎮分統公費銀二千五百兩每年尚餘銀二萬一千九百七十兩有奇其餘雜支應以軍火為大宗歲修營房次之冬防煤炭又次之即照正項一成計算每年尚可餘銀數千兩以備修造軍裝郵費等用亦屬有盈無絀應請隨時核實支銷如有盈餘報部候撥山清源局司道確核各項細數詳請具奏前來臣查綠營調弊頗成風至此時而已極今創此加餉整軍之議冀收安邊固圉之功若一任惰廢因循必致踵弊蹈欺虛耗度支於武備仍無實際臣自當慎選將領嚴督操防務使兵氣日強懦氣漸振庶緩急足恃而成效可期如查有廢弛營伍任令兵丁技藝生疎以及濫給名糧虛曠攤扣等弊即由臣將營哨各官從嚴參辦並將分統

之員一併奏參所有北軍馬隊五百人樹軍馬步一千二百人皆係客勇部議原限一年後遣撤當此經費支絀之時但有可裁之兵可省之餉自宜力求撙節現已另片陳明將北軍馬隊五百人先行撤遣其樹軍各營分紮北路匪巡防深資得力現在各營甫經集練未能一律精強統俟一年後再由臣酌量情形奏明辦理下部知之○癸酉頒給浙江海寧州城隍廟匾額○予河南祥符縣節婦朱李氏旌表○甲戌兩○乙亥以解解甘肅餉精出力予河南布政使孫鳳翔等獎敘有差○劉秉璋奏臣蒞任之初卽據紳士會言海塘等工年久失修勢甚岌岌必得趕緊修復以免後患維時卽擬設法辦理乃值海防喫緊經費無可出不得不暫置緩圖兩年以來潮汐衝刷坍塌愈甚目前海防事宜正在籌議間卽據該縣紳民呈請速復石塘以資捍衛情詞甚爲迫切當飭塘工總局行知會同局務杭州府知府吳世榮提調候補知府章光澤等確切查勘去後茲據覆稱向繞城雲字號十八丈起至堽字號十五丈止魚鱗大石塘六百十三丈及通北之添字號二十丈起至翔字號五丈止中條石塘一千三百六十五丈現均完整其魚鱗塘之北雲字號二丈起至中條石塘之南翔字號十五丈止原建大石塘二百七十七丈率多淤損完整者不過十分之一自繞城之南堽字號五丈起至空字號五丈止原建大石塘一千八百七十丈間有淤損完整者不過十分之一自空字號十五丈起至傳字號五丈止原建新條石塘四十丈亦多坍塌

完整者不及十分之一自傳字號十五丈起至習字號十五丈止原建高矮石塘七十丈均已坍卸至底又自習字號五丈起至泰駐山脚壁字號十五丈止原建低矮石塘一百八十丈均已坍卸無存其泰駐山迤南自青山脚非字號二十丈起至長牆山脚曰字號十八丈五尺止原建小塊石塘二百十八丈五尺亦皆坍卸至底總計應行修建石塘二千餘丈若一律興辦工多費巨勢難舉行自應擇要估辦以紓財力悉心籌度審察情形內自短字號二十丈起至傳字號五丈止大石塘七百二十五丈新修石塘四丈淤損數州或坍卸至底該處地勢灣環泰駐山當其右承受西北風頂衝外偏大海內靠白洋河僅倚一綫土堤爲固每屆秋潮盛漲風大浪高居民異常驚恐係屬刻不可緩亟應修復之工按號勘估其僅淤損決裂而橋脚未動者五百丈擬請仍用原石埋砌完整內有低矮段落請分別酌量加高一二層以資抵禦其坍卸至底橋朽不堪承受者二百六十五丈擬請一律補橋添用新木拆底修砌完固惟有原建大石塘舊石寬一尺六寸厚一尺五寸今若照樣採買興辦工本既重運脚亦鉅擬請仿照三防魚鱗塘石樣寬一尺二寸厚一尺者採購添用以節經費其傳字號十五丈起至習字號十五丈止坍卸高矮石塘七十丈現存舊石約有二成可以抵用又習字號五丈起至習字號二十丈止坍沒低矮石塘二百二十五丈舊石無存僅有基址據工人云當時建築因節省工料堅固不如大石塘以致不能經久今若

照舊做法需費未免過鉅擬請將前兩段石塘一百九十五丈仿照三防十八層魚鱗石塘辦法一律改建以期鞏固以上共請修建石塘九百六十丈並將塘後附工一律挑築培護統計約估工料銀十九萬九千九百餘兩並據聲明此次所估工段做法銀數均就現在情形撙節核實確估將來或有審時度勢酌量增減之處隨時另行核辦等情由總局司道核明轉詳請奏前來臣查海鹽縣濱臨大海全仗石塘保衛原建四千六百餘丈積年坍塌過半經前撫臣陸續修建魚鱗大石塘二百餘丈中條石塘二百四十餘丈其餘應修各工奏明俟續籌有款再行勘辦近年秋潮旺盛奇險迭生僅有一縷土塘萬不足恃脫有不虞何堪設想下游嘉湖蘇松各郡皆農桑財富之區尤關緊要不僅海鹽一邑然也現雖財力不支而事不能已惟有擇要興辦以重要工埋砌者五百丈建復者四百六十丈共計九百六十丈應需銀十九萬九千九百餘兩尙屬核實臣以經費艱難節益求節准以約略發銀十六萬餘兩工料定以程式不准偷減一面擇日開工剋期竣事以省浮費此次並無專款盤金收不敷支無可指撥惟有前因籌辦海防兩浙商人自願按行捐輸以備急需截至上年年底隨繳存銀八萬兩此係零星湊集並不請獎似可以公濟公移作此項工程之用其餘不敷銀八萬兩擬請藩庫提銀一萬五千兩運庫提銀一萬五千兩糧道庫提銀三萬兩鹽捐局提銀二萬兩分作兩年陸續解塘工局支發應用庶幾衆擎易舉以成厥

事除飭趕緊委員購料集夫興辦工竣照例造報請銷外合將勘明海鹽縣境坍塌石塘等工先行擇要估修緣由恭摺具奏下部知之○丁丑醇親王奕訢奏爲 宮廷政治內外並重敬擬齊治要道仰祈 慈鑒敬溯自咸豐辛酉 兩宮垂簾聽政外戡寇亂內除權奸 德澤佈於八垓 威信敷於四裔 武功文教炳耀寶區同治甲戌痛遭大故 勉允臣工之請 重舉聽政之儀自光緒辛巳以來我 皇太后憂勤益切 宵旰孜孜所以承 列聖垂統之艱造萬世無疆之福者至矣盡矣茲者 皇帝市廛志學之年 特申親政之旨王大臣等審時度勢合詞籲懇 皇太后訓政敬祈 體念時艱 俯允所請俾 皇帝有所稟承日就月將見闡密邇俟及二旬再議 親理庶務彼時寶宇之局益安 皇帝心志益定實爲 宗社蒼生之福抑 臣更有請者 列聖宮廷規制遠邁前代我 皇太后循守成憲嚴肅有加將來 大婚後一切典禮規模咸賴 訓教飭誠卽內廷尋常事件亦不可少弛 前微 臣愚以爲歸政後必須永照現在規制一切事件先請 慈旨再於 皇帝前奏聞俾 皇帝專心大政博覽羣書上承 聖母之歡顏內免 宮闈之劇務此則非如 臣生長 深宮者不能知亦不敢言也又和碩禮親王世鐸等奏伏讀六月初六日 慈旨竊思 皇太后垂簾聽政二十餘年裁定大難撫馭萬方海澱山陬無不沾被 皇上典學有成擇期 親政四海臣民自當延頸跂踵以觀 德政之成惟 宮廷之內

一日萬幾卽天下已治已安猶煩 聖慮況目前軍務甫定亟圖自強一切整綱飭紀經緯萬端無不仰賴 慈謨冀收遠效伏讀 懿旨敬悉 皇上聞 諭後長跪懇辭籲求 皇太后從緩 歸政此臣下所未敢遽陳者 皇上已先陳於 慈展之前臣等仰惟 皇上純孝之心豈不冀 皇太后深宮頤養稍釋憂勤特以天下之大庶政之繁多聆一日 懿訓庶多增一分 德業 嚴恭寅畏發於至誠我朝家法昭垂超邁前古伏查嘉慶元年 授 受禮成後 高宗純皇帝躬親訓政惟日孜孜臣等懷懼愚忱竊願 皇太后 光昭 前烈 訓政數年於明年 皇上 親政後仍每日 召見臣工 披覽章奏俾 皇上隨時隨事親承 指示非第用人行政大端有所稟承卽現在一切變通整頓之事及中外交涉一切機宜皆得 躬奉 徽猷備聆 心法將來 宸謨獨斷措置裕如用成千載一時之盛治天下幸甚臣等幸甚如蒙 俞允一切應行事宜恭候 懿旨敬謹遵行又伯彥訥謨祜等奏臣等伏讀六月初十日 懿旨以 皇帝典學有成 諭於明年正月舉行 親政典禮 詔辭宏遠酌古準今尋繹回環且欽且感伏思我 皇太后躬仁聖之資值艱難之運削平九宇撫定四方史冊罕傳 功德莫二茲當 璫闕歸政 願委沖和既大慰日夕期望之心亦稍釋 宵旰仔肩之重凡茲臣庶孰不欣愉然臣等日侍 講筵深維大局有不得不縷晰備陳者幸 皇太后垂察焉 皇上天竄聰明過目成誦

六經諸史前數年卽能舉其辭然經義至深史書極博譬諸山海非一覽所窮此講習之事猶未以澈者一也天下之隨莫如章奏前者奉 慈諭將軍機處近年摺奏鈔錄講肄 皇上隨時披覽亦能一閱瞭然大而兵農禮樂細而鹽關河漕頭緒紛繁兼綜不易此批答之事猶未徧習者二也清語 國書我 朝根本 皇上紀誦甚博書寫亦工然切音聲義頗極精微固須名物靡遺尤必文義貫串滿蒙奏牘各體攸殊此繙譯之事猶未熟精者三也爲君至難萬幾至重多一日晷正卽有一日之功加一日講求卽獲一分之益天下 祖宗之天下也 皇太后體 祖宗之心爲心二十餘年憂勞如一日倘俟一二年後 聖學大成 春秋鼎盛從容 授政以彌我不基匪特臣民之福亦 宗社之慶也欽奉 慈諭端佑康頤昭豫莊誠皇太后懿旨醇親王奕譞奏懇請體念時艱俯允訓政禮親王世鐸等奏合詞籲懇訓政數年伯彥訥謨帖等奏籲請從緩歸政以懋聖學各一摺覽奏均悉垂簾之舉出於萬不得已十餘年來深宮訓導欣見皇帝典學有成特命於明年正月內舉行親政典禮審慎宣綸權衡至當不容再有游移天下之事至繁至隨皇帝親政之始容有未及周知全在各大臣共矢公忠盡心輔助內而樞臣外而疆吏均係股肱心膂之臣弼此丕基責無旁貸其各殫竭血誠力圖振作於應辦事宜任勞任怨勿得稍涉因循推諉致負委任皇帝幾餘念典本無止境一切經史之功繙譯之事尤在毓慶宮行走諸臣

朝夕講求不憚煩勞俾臻至善繼之帝德王道互相表裏皇帝親政後正可以平日所學見諸措施用慰天下臣民之望當亦爾諸臣至願也該王大臣等所請訓政數年及暫緩歸政之處均毋庸議至醇親王摺內所稱宮廷政治內外並重歸政後當永照現在規制凡宮內一切事宜先請諭旨再於皇帝前奏聞俾皇帝專心大政等語念自皇帝冲齡嗣統撫育訓誨深衷十餘年如一日卽親政後亦必隨時調護遇事提撕此衷不容卸此念亦不容釋卽著照所請行本日欽天監奏遵有選擇吉期一摺皇帝親政典禮於明年正月十五日舉行所有應行事宜著各該衙門敬謹預備○戊寅諭都察院奏據湖北武生劉靚等以書吏加徵錢糧勒派規費等詞赴該衙門呈訴案關書吏舞弊違例苛徵虛實均應澈底根究著湖廣總督湖北巡撫親提人證卷宗秉公研審務得確情按律定擬具奏原告武生劉靚該部照例解往備質○己卯劉錦棠奏准軍機大臣字寄光緒十一年十一月二十五日奉 上諭譚鍾麟奏伊犁辦理屯田應派員督辦一摺等因欽此伏查伊犁爲北路輿區土膏沃衍泉源漕運處處可通承平時於九城之地分置旗屯兵屯民屯回屯以資耕種邊氓相勸利莫厚焉亂後地畝荒蕪耕者不及十分之二且聽兵民自占舊時經界無可遵循現經錫綸派委三品銜分省補用知府王者彥按畝稽查以期集事惟委員之與印官其勢不相統屬譚鍾麟原奏請將各處同知均歸督辦之員管轄究係權宜之計臣愚以爲欲

厚民生須由郡縣欲增郡縣須設監司況新疆北路向設有道驪州縣現在全疆改設行省南路經營建置亦已三年各該地方官奉法順流與民更始其效較然可觀伊犁及塔爾巴哈臺等處原屬新疆北路輔車相依不容膜視請仿照鎮迪道之制增伊犁道一員駐紮伊犁兼管塔城事務改伊犁撫民屬爲府改塔城通判爲撫民同知加理事銜兼管屯田水利庶幾官事有聯而屯政亦因之具舉當與錫綸計議並函商明春均以爲然可否施行伏候 聖明採擇如蒙 俞允其道府以下等官應如何增設容臣與譚鍾麟錫綸明春等籌度情形詳細具奏抑臣更有陳者伊犁幅輳遼闊地處極邊該處增置旗兵屯地當時 諭旨有謂新疆重地武備最爲緊要此項地畝祇可專交開散旗丁代爲耕種不當令官兵親身力作有妨操練等因仰見 聖謨廣運惟懷永圖實白世不易之至計今則邊事日多附近哈薩克又時有勾結游匪搶劫殺人之案若不從嚴辦加意操防竊恐民不聊生而屯務亦將終廢是欲興屯以足食必先設防以衛民否則利少害多民將不至也該處營勇現經臣與錫綸會商裁併汰弱招強餉項照章發給誠使各統領營官激發天良認真訓練自可漸成勁旅前奉 諭旨錫綸到任後與劉錦棠和衷商辦務將各該營精習悉力剪除匪稍彌縫致貽後患亦不得操之過嚴別滋事端 聖訓周詳無微不至此後實如何策勵俾免疎虞是在錫綸隨時體察慎以行之得 旨覽奏均悉伊犁營勇現經劉錦棠會

商錫綸汰弱留強照章給餉自應隨時訓練俾成勁旅卽著該大臣會同該將軍督飭各該營官激發天良認真操練以免疏虞所請增減道驛各官係爲因時制宜起見著該部妥議具奏○諭軍機大臣等有
人奏黔省盜風日熾搶案甚多近則省城竟有明火強劫傷斃人口之事請飭認真整頓等語貴州軍務肅清已久游勇散練流而爲匪勢所必至全賴地方官隨時緝捕以靖閭閻若如所奏諱盜爲竊縱盜殃
民各節捕務廢弛殊堪痛恨著藩臬嚴飭所屬緝獲有搶劫案件卽行上緊緝拿不得稍有諱飾並著將于
姓波盜一案飭屬嚴緝賊盜務獲懲辦原摺著鈔給閱看將此諭令知之○庚辰欽奉 慈禧端佑康頤
昭豫莊誠皇太后懿旨醇親王奕譞奏重申勸諭請勉允訓政禮親王世鐸等奏再行瀝陳籲請訓政
數年錫珍等奏撥時度勢親政尙宜稍緩賢奏舉行親政關係綦重各一摺覽奏均悉垂簾聽政歷指
往代皆出極宜之舉行之不慎流弊滋多史册昭昭可爲殷鑒前因皇帝典學有成特降懿旨及時歸政
此深宮十餘年來殷殷盼望之苦衷天下臣民自應共諒故於十四日王大臣等合詞籲陳均未允准數
日以來皇帝宮中定省時時以多聆慈訓俾有稟承再四懇求情詞胞姪茲復披覽該王大臣等章奏瀝
陳時勢艱難軍國重要醇親王摺內兼以念切宗社仰慰先靈等詞諄諄請迴環循覽悚惕實深國家
值此時艱飭紀整綱百廢待舉皇帝初親大政決疑定策實不能不遇事提撕期臻周妥既據該王大臣

等再三瀝懇何敢固執一己守經之義致違天下衆論之公也勉允所請於皇帝親政後再行訓政數年爾中外大小臣工務各抒忠赤盡力勸襄以期力振委靡共臻郅治於諸臣有厚望焉至錫珍等及貴賢摺內請飭廷臣會議等語皇帝親政係國家及時應舉之盛典業經特降懿旨通諭遵行豈如臣下條陳事涉疑似者尙須集議況王公大學士六部九卿兩次陳奏衆議攸同豈必待添入翰詹科道乃爲定論耶所奏殊屬非是著毋庸議醇親王前次片奏內有親政期前請交部神機營印鑄等語現既允准訓政醇親王亦當以國事爲重略小節而顧大局所管事宜仍著照常經理俟數年後斟酌情形再行降旨○岑毓英等奏請省辦理礦務招商經前撫臣唐炯會摺奏請每年於運京足數外餘銅悉准由商運銷旋准旨是否照定額六百三十餘萬斤辦運足數未據聲明令臣等查看情形辦理等因轉行去後嗣據署藩司史念祖詳據招商局知府全林續詳稱遵查滇省銅務兵燹後停辦已久同治十三年奏明試辦迄今十年每批僅能運解五十萬中間委紳委官迭易其人開辦不爲不力迫歸商局認真辦理至上年始運解兩批勉足百萬較之從前定額仍不啻天淵艱滯情形已可概見查礦務惟以銅務爲先而招商特因京運起見第礦稀炭遠食費工艱所領價值實不足償資本商人重利若不稍示變通未入股者早已不前既入股者亦思抽出似此商情渙散欲求起色不得不策勉兼資寬與調劑擬自本年爲始如辦

銅一百萬斤准以一成歸商一百萬以上准加一成二百萬以上再加一成四百萬以上准遞加並請仿照滇運章程按等量予獎勵庶與情欲動可望本利日增鼓勵有資承辦亦可期驅勉等情由司詳請具奏前來臣等查滇銅自同治十二年試辦原定每年京運一百萬斤特因銅潞山空至上年始辦足數非商力不能速此然工疲費鉅已屬不支各省銅本報解無聞商股又因餘利未沾久無起色非但籌額難期驟復恐後此每年百萬券亦難操該司等所請變通商銅成數量與獎勵係爲維持京運保固商本起見合無仰懇 天恩俯念調辦艱難暫准變通商銅成數並照漕運章程量與獎勵以顧商本而資策勵實於礦務有裨下部議奏○壬午予故兩廣總督張樹聲於安徽本籍建祠○命梁燾煌來京以許振祿爲江甯布政使邵友濂爲河南按察使○乙酉慶親王奕劻工部左侍郎孫毓汶會同前署駐華英使歐格納會議緬甸條約五款成其文曰 大清國 大皇帝大英國大君主五印度大后帝因欲固存兩國友睦歷久不渝並廣開振興彼此人民通商交涉事宜茲由 大清國特派管理總理各國事務衙門多羅慶郡王總理各國事務衙門大臣工部左侍郎孫大英國特派實佩二等邁吉利寶星前署駐華大臣今美京頭等參贊大臣歐將所議條款開列於左 第一款 一因緬甸每屆十年向有派員呈進方物成例英國允由緬甸最大之大臣每屆十年派員循例舉行其所派之人應選緬甸國人 第二款 一

中國允英國在緬甸現時所乘一切政權均聽其便 第三款 一中緬邊界應由中英兩國派員會同勘定其邊界通商事宜亦應另立專章彼此保護振興 第四款 一烟盤條約另議專條派員入藏一事現因中國察看情形諸多窒礙英國允即停止至英國欲在藏印邊界議辦通商應由中國體察情形設法勸導振興商務如果可行再行妥議章程諸多窒礙雖行英國亦不催問 第五款 一本約立定由兩國特派大臣在中國京城將約文漢英各三分先行畫押蓋用印章恭候兩國 御筆批准在於英國京城速行互換以昭信守○庚寅 萬壽聖節 上御乾清宮受賀○上詣 大高殿 壽皇殿行禮○辛卯以孟秋時享 太廟 上前期親詣行禮○是月日斯巴尼亞國新簡駐華使臣羅德理抵任秋七月壬辰朔予直隸涿州烈婦趙董氏旌表○乙未譚鈞培奏湖北牙帖捐輸擬請仍照變通章程辦理暫緩規復舊制允之○丙申張之洞奏據署廣東布政使蕭韶等詳稱粵省盜風最熾州縣捕役力有不及額設營汛不敷分布省外各路向來招募巡勇添撥練兵配備地扒等船分布省河及東西北三江西海江浦香新洋面等處水陸緝捕計兵勇數千名各路商旅藉獲無虞此項薪糧船隻軍火器械每年需銀三十餘萬兩而購練懸賞各費不與焉此款不在防餉之內現值庫儲奇絀出款浩繁而牙捐沙捐及省捐海防經費又已一律停止此項巡緝薪糧各費實屬無從撥解各路湘淮粵軍防營已四次續加

裁撤廣經臣等檄行節省用款無如盜匪日橫巨案日多商賈居民均受擾害迭經將疏防文武嚴參勒
緝若將巡緝兵勇船隻概行裁撤地方將不可問惟是此等常年鉅款各庫無可搜羅現經督同廣州府
南番兩縣並會商省標四營將領邀集地方紳士公同酌議惟有就地籌辦以商人集腋之資還為商民
自衛之用查省城為各貨總匯之區並未設立鹽卡同治八年經前督撫臣奏明在省城佛山江門陳村
繁盛處所補抽百貨坐釐由商承辦較之行釐數目概減一半兼係補抽其所未及並非重疊徵收歷年
相安即承辦商人亦復從容餘裕且以行釐坐釐一併核算方諸江浙等省之兩起兩驗及湖南江西等
省釐則為數已覺輕微光緒十年該署藩司蕭韶在廣州府任時曾隨同前升任藩司剛毅邀集愛育堂
紳董勸辦海防經費無不報効情殷此即釐金無多行戶不甚為難之明證也設使巡緝無具剽掠公行
商賈豈無懋遷問何從安謐現惟有勸令各行量力捐助經費專為水陸巡緝保護商民之用查愛育
堂即為省城各行商賈會萃公所向來專作有益地方公舉善事本省外省紳商人等素所信服今議由
各行商捐資緝盜該紳董誼關桑梓自屬義不容辭舍此之外委係無從設法擬即在於省城設立公所
遴派端謹廉潔之員督同紳董籌辦巡緝經費酌量商務情形以銷路之旺淡定銀數之等差務期衆情
樂從毫無勉強責成愛育堂各行自行稽察隨時消息不令稍有滋累似此民捐民用於各行並無苦累

而地方可期又安至上兩年防務緊急分派委員前赴各州縣勸諭紳富捐助防餉經將所收捐數先後彙報請獎在案其中已捐未繳之款統計尚不下十餘萬兩已繳各捐戶心竊非之竊謂此項本屬自行認寫之款並無強派抑勒若不一律收齊則先繳者已充防費後繳者得免解纒似不足以示公允以後地方公舉必皆觀望遷延實於激勵之道多有窒礙現在粵庫窘迫更甚於前除未捐者勿庸再勸外此項已捐未繳之十萬餘兩應仍催令繳齊以濟急需並照章補請獎敘等情詳請具奏前來等因伏查粵省盜匪方滋斷無將巡緝兵勇船隻概行裁撤之理而庫帑艱難正議撙節又實有不能支付此等巨款之勢至地方公捐經費衛戍緝盜各省多有即如廣東香山順德之護沙軍費專為保護沙田設船募勇以備巡緝歷係民捐民辦官不與聞茲則保護商民事關全局眾議攸同但非官督紳勸無以集事既經議定資以衛民他項不得挪用即與民捐民用無殊該司道等所稱巡緝經費萬不可省而舍此又無從設法委係實在情形體察輿情似無不便至已捐未繳之款似應一律收齊方足以昭平允得 旨允行

○戊戌諭有人奏浙江省征收釐金積弊甚多其利半歸中飽亟須整理等語抽釐助餉為朝廷不得已之舉豈容不肖局員罔利營私此等弊端總由該管督撫不能破除情面審擇賢員實力整頓一聽該員等以多報少朦混侵吞致釐稅日見其短殊堪痛恨一省如此他省恐亦難免著各直省督撫懍遵迭次

諭旨力矯積習認真稽核如查有委員舞弊情事卽行從嚴參辦毋稍姑容○伊犁將軍金順卒予祭葬
贈太子太保銜賜卹如例○以奕牛爲左副都御史○允穆圖善奏請於上海設鎗械軍火採運局○庚
子陝西巡撫鹿傳霖因病乞休允之○辛丑潘蔚奏臣於三月十九日謹將試辦礦務情形據實具奏四
月二十五日奉到 上諭潘蔚奏試辦礦務一摺等因欽此跪聆之下欽感莫名查臣省礦產向來甲於
各省而其合用與否尙難預定臣於今正收買礦產暫由協餉釐金兩項內奏撥二萬兩一面湊集商股
已於鎮遠常德漢口上海布置分局派員經理並將產礦運往各口以備公家之用前經奏明在案臣自
黔中開辦廠務卽將各種礦質咨送南北洋試驗旋據北洋督臣來函謂礦質甚佳倘製鍊得宜運至上
海價值合算自可購用南洋督臣亦云採辦之初向在湖口臺灣等處取其水陸皆通便於轉運倘黔產
價值較各處爲省無不合彼就此所言各節自係實在情形黔礦生質既良出產又旺若因無機器致礙
行銷甚爲可惜現據各路委員稟報各項礦產堆積已多不得不設法分銷先顧成本因與司道商議
照上次奏明成數每項各儲一百萬斤預備公家之用其餘自然之利則已散諸民間既不敢私爲己有
亦各宜俯順人情近於省垣添設礦務公商局以股實紳商經理其事官督商運凡有情願入股者卽由
該局結報發給股票要以煤鐵兩項爲主領照分運所幸眾商歡欣鼓舞此數月內已湊集五萬斤擬在

上海分局內添設機器各處生鐵運至河口上船統歸駐滬分局鑄成鐵板鐵條以期行銷合用現在先撥生鐵十萬斤分起出口另派候補知州段永溶督同前往一路採聽銷場價值官督商運者從下游試辦俟到上海將所攜生鐵交機器局仿照洋式鑄成大小方圓各樣並在眾商湊集之銀提出四萬兩添製機器統歸分局經理則貨物之高下工價之長短皆有一定準則以後南北洋海軍各衙門隨時採買其價值均照各省達部銷數統減二成以示賅一本係公家之物不必於此時銷銖較量等諸市儈也臣當創辦之初本無成規謹就黔省奏定章程公同參酌奏明辦理現幸地不愛寶興殖繁多難以資本極絀之區不敢不竭蹶圖成以備公需而興民利下部知之○以葉伯英為陝西巡撫李用清署陝西布政使○諭本年六月間連日大雨順直所屬地方水勢盛漲沿河堤岸漫口順人保定河間天津等屬窪區被災甚廣閭閻困苦情形殊堪憫惻加恩著截留江蘇河運漕米及餘米共五萬二千八百八十石奉天粟米一萬三千二百五十餘石以備順直秋後賑撫之用李鴻章會同畢道遠薛福辰督飭各屬詳察災區輕重妥為分撥核實散給務使實惠及民不准私毫弊混用副軫念民艱至意其隨漕輕齎等項銀兩並著查照成案核數提扣解交賑局應用該部知道○壬寅吳大澂等奏等前因寶古塔境內倭宇那字二界牌均與記文條約不甚相符擬赴三岔口一帶查勘明確再與巴喇諾伏等妥商辦理曾經附片

奏明在案。等約同俄使巴啦諾伏等於六月初十日同赴三岔口查勘倭字界牌。現在小孤山頂距瑚布圖河口尙有二里。並非中俄交界地方。查咸豐十一年前倉場侍郎成琦會同俄國大臣議定交界道路記文內稱在瑚布圖河口西邊立界牌一箇。牌上寫俄國倭字頭並未載明在小孤山細詢緣由。因當時河口水漲木牌易於衝失。樁設山頂離河較遠。若以立牌之地卽爲交界之所。則小孤山以東至瑚布圖河口一段又將割爲俄地。現與俄使巴啦諾伏議定將倭字石界牌改立瑚布圖河口山坡高處。正在兩國交界之地。按之地圖條約均屬相符。以後永無爭執。再查成琦所定交界道路記文內橫山會處立界牌一箇上寫俄國那字頭。該處與瑚布圖河口相距約有百數十里。當日立牌之處本在荒山榛莽中。人迹不到之處。亦無路徑可尋。年久無從蹤跡。中俄邊界各官均以爲此牌失毀。漫無稽考。光緒三年寧古塔副都統雙福與俄官廓米薩爾馬邱寧補立那字界牌在瑚布圖河口正北山上。距綏芬河與瑚布圖河交會之處不及二里。倭那兩字牌相去太近。又非橫山會處。自應查明更正。等語。派熟悉邊界之員會同俄官前往查勘。適寧古塔副都統容山添派佐領托倫托喀隨同。等履勘邊界。因委該佐領會同俄員舒利經裏糧入山十餘日。依水尋源。披荆闢路。始於六月二十日訪得木牌一座。上多朽爛。僅存二尺餘。下有碎石平砌。臺基雖字跡剝落。無存。按其地勢正在橫山會處。迤西卽係小綏芬河源水向南。

流其爲那字舊界牌自無疑義惟山路崎嶇林木叢翳新造石牌一時難以逕往現與俄使巴啦諾伏議
明先於該處原立那字界牌之地掘深數尺堅築石臺俟冬令冰雪凝厚再將那字石牌由小綏芬河拉
運到山屆時由俄克唐阿派員前往會同俄官妥爲建立至那字界牌中間百數十里自應添設封堆
記號以清界址現由俄官舒利經督率繪圖各員詳細測量等協委佐領托倫托喀瑚布圖河卡官騎
騎松永祥隨同察看妥慎辦理等於七月初八日回至庫春俟各處應換石牌應繪界圖一律告竣按
圖畫押鈐印畢臣吳大澂再行回京覆命所有等查明倭字那字兩界牌按照圖約妥爲更正緣由
謹繕摺由驛馳陳報聞○癸卯裴蔭森奏鏡清快船試洋赴甯請照前奏擇尤獎勵允之○曾國荃奏
前因光緒十二年分南洋額支活支各款共實需銀一百三十餘萬兩除就近留用江海關銀約十餘
萬兩外計尙短銀一百二十萬兩咨請海軍衙門指撥的款旋准海軍衙門咨以南洋請撥防費洵屬迫
不可緩准其截留溫關應撥南洋四成洋稅銀兩至所請的款擬將蘇浙兩省釐金銀各四十萬兩按原
定八成解交南洋兌收暫供本年用款等因臣正在分別咨會照解間准升任浙江撫臣劉秉璋咨浙省
查辦諸兇案內追出濫抵之款十八萬兩先經奏明儘解海軍衙門抵作本年釐金項下應解南北洋防
費委員業經起程茲又奉文改解南洋而款已起解無法可施應由臣設法劃扣俾資濟急臣以此項銀

兩院經浙省起解海軍衙門未便復請解回致滋繁費亦未便由臣擅自指款劃扣當經咨請海軍衙門會同戶部就甯蘇兩處向來解京有著之款目下尙未起解者無論何款照數指定十八萬兩由南洋就近截留應用以完浙省業經報解之前案茲准戶部咨浙省此項銀兩係應解南洋之款應於甯蘇解京款內指項截留以抵前項查歷年京餉撥有兩淮鹽課鹽釐各款積欠甚鉅擬將光緒二年欠解之九萬兩三年欠解之十萬兩內提銀十八萬兩由南洋就近截留仍轉飭兩淮運司將光緒二年起至十一年止應解京餉除此次截留及兩次刪撥銀兩外所有欠解銀四十六萬兩迅速分批起解不得拖欠遲延致干參處等因奏奉 諭旨行令欽遵辦理前來臣接准部文莫名焦灼伏查鹽務課釐京餉兩運司考成所係苟能勉力措解何敢任意拖延自干咎戾竊緣撥款太多遂致頻年積欠計時閱十年積數至六十餘萬其間官非一任事非一時運庫支絀情形早在 聖明洞鑒之中不特以後之四十六萬無計取盈卽目下之十八萬先難猝辦凋敝如此其甚追呼之力已窮屢札頻催終成畫餅而南洋防費自改撥以後各處來源皆斷嗣因待用孔殷計數請領雖奉海軍衙門指撥此項整金核諸臣前請的款僅屬得半之數而浙鹽十八萬兩業經先期解京乃復咨請指款截留以資應用中間迭經輾轉自春而夏現已入秋爲日愈深需款愈急此次戶部指提光緒二三兩年分兩淮欠解前款臣非不欲竭力悉索獨欠無

如運庫奇窮無可羅掘查南洋所統兵輪差餉項計口授食已有懸待炊之虞增修礮臺止在興工之際與夫各局薪糧公費暨前購八百磅子大礮八尊應找之價添購哈喇克司礮彈之價儘省代製快船二號應配礮位子彈之價江陰吳淞兩處新築洋式礮臺採買洋泥洋料工程之費購備水雷電綫之費前曾列冊咨明海軍衙門有案此皆舉辦在先勢難停工待餉又萬不能因無餉而中止近日環視相案刻不可緩既想置之無從更挪移之乏術傍徨四顧岌岌難支惟有披瀝具陳上達 宸聽合無仰懇

天恩俯念南洋萬分窘迫情形准 臣於甯蘇司局及兩淮運庫本年應行解部項下無論何款照數截留十八萬兩暫解燃眉之急查浙省此項解交海軍衙門銀金已由戶部批作應發神機營餉項是南洋現在截留之款乃係戶部已經收用之款如此一轉移間於部款毫無出入庶南洋得以支撐一隅之局下戶部議奏○甲辰楊昌濬等奏光緒十一年九月初五日欽奉 慈禧端佑康頤昭豫莊誠皇太后懿旨醇親王奕譞等遵籌海防善後事宜摺內奏檣臺要隘宜有大員駐紮等語臺灣為南洋門戶關係緊要自應因時變通以資控制著將福建巡撫改為臺灣巡撫常川駐紮福建巡撫事即著閩浙總督兼管所有一切改設事宜該督撫詳細籌議奏明辦理欽此又於十一年十月十九日奉 上諭臺灣南北地輿袤延甚遠以形勢而論臺北各海口尤為緊要原設臺灣道一員遠駐臺南深慮難以兼顧且巡撫

常川駐紮一切錢穀刑名事宜必須令分員管理各專責成應否於臺灣道之外添設臺北道一員著楊昌溶劉銘傳悉心會商妥議具奏等因欽此欽遵經臣等各將籌度情形先後覆奏十一年十二月十二日奉 上諭楊昌溶所奏添設臺北道不如添設藩司係為因地制宜起見自可准行臺灣雖設行省必須與福建連成一氣如甘肅新疆之制庶可內外相維著詳細會商奏明辦理復於十二年三月二十四日奉 上諭劉銘傳奏澎湖為閩臺門戶非特設重鎮不足以資守制楊昌溶與該撫意見相同擬將澎湖副將與海壇鎮對調仍歸總督管轄等語即著楊昌溶劉銘傳會同籌議具奏閩臺防務關係緊要該督等商辦一切務當和衷共濟不分畛域力顧大局上年諭令該督等會議臺灣改設各事宜並著一併妥議毋稍延遲等因欽此仰見 皇太后 皇上垂念海疆諄諄訓誡之至意臣等忝膺重寄目擊時艱何敢不竭力籌維和衷商榷以期事歸盡善仰紓 宸廑除往返函牘不計外臣等於二月間渡臺直銘傳四月間復內渡詳細面商查臺灣為南洋門戶七省藩籬奉 旨改設巡撫以資控制實為保固海疆遠大之謀惟沿海數縣之地其餘番地尚係化外氣局未成孤懸海外與新疆情形不同閩臺本係一省今分而為二尤須脗相相依以收指臂之助誠應遵 旨內外相維不分畛域乃可於事有成茲就省局司道署臺灣道陳鳴志總理糧臺前貴州藩司沈應奎籌議各條擬加酌核謹繕清單恭呈 御覽現

在整頓海防百廢待舉加以改設行省經費浩繁如澎湖一島辦防需銀八十萬兩業經臣等先後奏請
勅部指撥此外辦防禦械設電添官分治招集撫番在在均關緊要至建立省城衙署 壇廟各項
工程雖不妨稍緩惟既經分省亦不能不次第舉辦臺地防營除裁撤外尙存三十五營分防沿海二千
餘里勢難再減臣等悉心籌畫擬由閩海關本年照舊協銀二十萬兩經臣銘傳咨請福州將軍百尼音
布嗣後由廈關徑撥解臺其閩省各庫局無論如何爲難每年按限協銀二十四萬兩陸續籌解並請
旨飭下粵海江海浙海九江江漢五關每年協銀三十六萬兩共成八十萬兩以五年爲度統計閩省及
閩海關所協四十四萬合之臺內歲入百萬兩專爲防軍月餉之需其五關每歲各協銀七萬餘兩尙屬
輕而易舉而臺事稍得藉手庶不致盡託空言仍求 朝廷寬以時日容臣銘傳分別緩急輕重次第舉
辦現已奏明清理田賦並隨地隨事力求整飭變私爲公如三五年後能照部議以臺地自有之財供臺
地之用卽當奏請停止協款一切改設事宜清單內有未暇載者容臣等續行奏咨辦理 上諭楊昌溶
劉銘傳奏邊議臺灣改設行省事宜開單呈覽一摺著該部議奏單併發○乙巳總理海軍事務衙門奏
准吏部咨稱具奏酌擬海軍衙門保獎等因於六月二十四日奉 旨依議欽此欽遵鈔錄原奏知照前
來臣等詳加核閱審度時局有不能已於言者數端敬爲我 皇太后陳之輪船機器爲中國自古未有

之物自西洋通商風氣大開凡摧堅利涉彼則各擅所長我則相形見絀故不惜鉅款逐件仿製局中章法極嚴工作極累兼以飛輪雷動皮帶梭織汽爐之火候軋藥之重輕稍一不慎皆是致命工匠危險如此監視局員亦然實非尋常製造軍械可比而踴躍從事者仍不乏人不過希冀進身有階而已該管所以能驅策鈴束者亦惟許以功成保獎而已乃部章與辦稅挑河等事相提並論視爲應辦之件一概不准保獎使任事者惡何鼓舞激勵乎此各省船政機器兩項不宜苛待之情形也又原奏內請查嚴核保舉章程內開洋務差委之局員均先咨部立案不咨者不准列保是未嘗不准保舉明甚乃又稱各關洋稅各省操防機器船政練軍挑濬河道等項事務均屬應辦之件一概不准保獎夫局員所司合以上數者卽更無緊要事件既准立案列保又云概不准保口惠無實何以示信於各省此部章自相牴牾理宜變通者也又原奏內稱嗣後凡屬海軍應辦之件查與海防洋務實有關繫者由該衙門出具切實考語列保各等語乃又將各省機器船政歸入不准保獎之列臣等反覆尋繹殊多窒礙伏思與海軍實有關繫者無過於機器船政而機器船政惟各省有之既概不准保則臣等卽無可保之人若僅保在籌辦事人員何以服各省公論此部章之窒礙情形也查吏部嚴核保舉章程始於光緒九年六月議定張佩綸條陳保舉之奏檢查張佩綸原奏但稱嗣後各軍調遣之文員洋務差委之局員均先咨部立案不咨者

不准入保其留營不及一年留局不及三年者不准優保河工海運循例保案均由部核定人數年限違者駁斥仍將原保之大臣議處等語而吏部遂將船政機器隨入不保之列此則變本加厲並論者命意而失之矣方今局勢不惟臣等任事者宜達時務凡內外交武大小臣工孰不當同心協力豈容再存漠然歧視之見臣等公同商酌除各省關稅練軍挑潯河道非臣衙門所司不敢置議外其各省水陸操防船政機器或為海軍必需要務懇請 慈恩飭下吏部開除不准列保之禁由臣等咨行各省凡沿海省分應保營局各員尋常保獎以五年為限所保不得優於常格均令咨送海軍衙門覆核刪減後並臣衙門辦事得力各員一併彙奏請獎如有奇才異能創製軍械或得力船隻由該省督撫考驗明確咨送臣衙門覆驗屬實即破格懇 恩錄用以示觀感倘查有壞竊虛冒等弊者罪之其非沿海省分操防機器皆為固圉要務並懇 恩准比照海軍保獎年限章程擇優酌保以免向隅如所保稍涉浮濫即由部核實駁斥至部稱咨部立案一節係預杜附名虛妄之弊臣衙門暨各省均當循照辦理得 旨如所議行

○丙午 上詔 奉先殿 壽皇殿行禮○劉錦棠奏 臣前奏請升迪化直隸州為府增設知府以下等官及藩臬兩司首領官經部議核准並議定每歲應支俸銀及養廉公費銀兩令於新疆徵收地糧銀兩內動支仍照光緒十年奏准成案除扣六成減平外毋庸減成等因於光緒十二年二月初八日具奏奉

旨依議欽此欽遵咨行在案查臣前奏請將鎮迪一道兼按察使銜管理通省刑名驛傳經部議准向未議定養廉公費該道例定每年養廉銀三千兩辦公銀七百兩現既管通省刑名驛傳公事較前倍增擬請每年除照例支給按察使俸銀外加給公費銀二千兩毋庸另給按察使養廉此外各官向有養廉之費卽此次省會添設各官亦經部議比照向章支給養廉公費本可毋庸更議惟新疆地處極邊商賈罕到日用之艱難百物之昂貴較之內地何止倍蓰各員竭誠從公實屬入不敷出臣前奏請加給各官津貼銀兩部議以爲多立名目轉涉紛歧不如酌將俸廉公費概照十成發給等因於光緒九年十二月二十五日覆奏奉 旨允准欽遵在案查養廉一項自甘肅軍興以來已經前督臣奏明關內外一體發給實銀惟公費俸銀仍照七成折減現准部議准發十成以每員例定公費銀七百兩計之每歲所增二百餘兩在內地宜無不足而新疆地方旣屬異常瘠苦核其所入仍有不敷使各員以自顧弗遑之故而致因此誤公亦非 朝廷所以綏靖邊疆之意也伏查甘肅關道一員及東西大路各繁缺州縣向來均有加增養廉之例公費亦較他屬爲多擬請仿照辦理於例定養廉公費外加公費銀庶名目不致紛歧而公事可收實效兩道除各屬有公費外每歲請各加銀一千兩新設迪化府及迪化縣除各例定公費外每歲請各加銀八百兩鎮西哈密喀喇沙爾瑪納巴什阜康昌吉拜城七屬縣除各屬有公

費外每歲請各加銀六百兩迪化州學正向有准支公費銀八十兩現請改爲一府教授經部議照鎮西府教授例歲給公費銀六十兩除此項例定公費外每歲請加銀一百二十兩西屬訓導除例定公費外每歲請加銀一百兩其餘雜職新疆向無公費惟該員等均以示秩遠塞從公擬請仿照正印人員一體酌給公費布政司經歷一員庫大司一員每歲請各給公費銀一百六十兩道庫大使兼按察司司獄一員迪化府經歷一員鎮西廳照磨一員迪化卑庫昌古縣典史二員哈密廳巡檢一員每歲請各給公費銀一百二十兩以上歲共加銀一萬一千一百八十兩均請遵照部章概以十成實銀仍請在於新疆徵收地糧銀內動支分年彙總報部據藩司魏光燾詳請具奏前來臣覆加查核自兼臬司以下均係擇其員缺尤爲瘠苦酌量請加非此實無以辦公合無仰懇 天恩俯念新疆各該員實屬異常瘠苦 飭部核准於例定養廉公費外照數酌加公費以資辦公而示體恤下部議奏○撫恤琉球遭風難民○庚戌上詣北海 永安寺拈香○謙福等奏熱河郡街附近猝遭水患淹斃人口查勘大概情形得 旨覽

奏該處被水情形深堪憫惻卽著飭屬妥爲賑恤俾免失所其宮牆坍塌處所並著先行設法保護○癸丑王先謙奏集賢刊刻續 皇清經解一書報聞○甲寅河南布政使孫鳳翔因病乞休允之○以劉瑞祺爲河南布政使肅韶爲浙江按察使○丙辰 上詣 奉先殿 壽皇殿行禮○戊午諭戶部總理各

國事務衙門奏請催解東北邊防經費一摺據稱各省關本年應解東北邊防經費截至七月十五日止除解到及報解起程外尚欠解銀一百二十五萬兩請飭迅解並補解歷年積欠銀兩等語此項經費關係緊要自應迅速籌解以濟要需該將軍督撫監督將欠解銀兩趕緊籌解倘再遲延即著戶部照貽誤京餉例指名嚴參原單著分別摘鈔給與閱看將此由五百里諭知福州將軍直隸兩江閩浙湖廣兩廣四川江蘇浙江安徽江西福建湖北湖南廣東河南山東各督撫並傳諭粵海關監督知之○己未裕祿等奏本年二月內准戶部咨具奏止供錢糧缺額過多酌定章程釐剔積弊並頒徵信冊式用資整頓等因欽奉諭旨行令欽遵辦理當經臣裕祿於兼署巡撫任內將章程冊式札發藩司通飭各屬一體遵辦在案茲據湖北布政使剛德標督糧道案牘詳稱錢糧兩項均關天庾正供例應年清年款特恐官吏侵欺捏報私收以致缺額日甚茲奉頒發徵信冊式填註民欠花戶數目刊示鄉閭俾毋隱匿立法誠為至善復讀部臣指陳五弊如報荒不實一節查湖北隸江帶湖地瘠民窮凡有可耕之處無不開闢承種其有從前已報水衝沙壓坍塌廢田地委係終年漬淹難以墾復升科此外並無未墾荒土亦無報荒之案又州縣報災不確一節查湖北所轄地方除鄖宜施三府山多田少糧額無幾均係年清年款外其餘各府所屬如江夏武昌咸寧嘉魚蒲圻漢川黃陂孝感河陽黃岡蘄水蘄州廣濟黃梅鍾祥京山

天門潛江應城江陵公安監利石首松滋枝江荊門二十七州縣暨武昌武莊沔陽黃州蘄州左荊右八
衛田地大半濱臨江海每遇夏秋盛漲低窪之處被水成災幾於無歲無之歷據各屬稟報移行該管道
府親詣查勘總以被災之輕重分別蠲緩之多寡一經勘定卽飭照例停徵俟歉奉 恩旨後敬謹刊刻
牌黃徧貼曉諭咸使周知惟詳奏災緩之案向來聲明數目易滋弊混應卽遵照部章自光緒十二年爲
始將通省蠲緩銀兩總數聲明請奏以昭核實至各屬糧冊戶口繁多仍恐胥吏高下其手擬請嗣後飭
將應蠲應緩卷票一律繳解司道衙門俟帶徵之年頒發分別徵收如已奉 旨蠲免卽由司道銷燬以
杜官吏私徵之弊又如捏完作欠一節查州縣徵收錢糧定例處分甚嚴該牧令等因顧考成何敢捏完
爲欠致陷催徵不力之咎惟奸猾書吏私用墨票收取亦難保其必無現已通飭各屬曉諭各里各甲花
戶自行赴櫃完納驗卷給串並飭通連三板卷刊刻大寫數目字樣太戳將應定糧米各數印入卷內
以杜弊混仍隨時查察如有私徵入已捏完作欠或預裁串票捏欠作完情事立予參處提究又如徵存
不解一節查各屬徵收錢糧向係隨徵隨解如遇新舊交替間有前任未及解清之款移交後任交代卽
據前任稟報勒限催提不准存留局庫是以各屬向無徵存未解款項又如交代宕延一節查湖北各州
縣衙交代除光緒十年以前歸案業於十一年七月一律清結外其自十一年正月以後交代已遵新章

將補署州縣到任日期專案咨部應造交案冊結節經按限詳咨如有虧短立即詳請參追並無延宕部中均有案可稽現奉頒發徵信冊稽查民欠自應實力奉行查徵收錢糧雖有十二月底全完例限但鄂中荒歉頗仍民力不無拮据以故糧戶須至次年三四月間三麥登場或新茶上市方能掃數完納若如部限州縣底本於十二月底截至次年三月內全送到司則民間續完銀兩仍與列入欠項無異轉無以示信於民若隨收隨註更恐戶註紛煩致滋歧誤查湖北奏銷定例以五月為期擬請將各屬應造徵信冊底本以次年五月奏銷為斷限定四月底截數造辦七月底造齊送司由司札委經歷由道札委道庫大使趕緊攤印訂冊司欸冊內騎縫鈐用布經歷印糧欸冊內騎縫鈐用道庫大使印冊尾仍分蓋銜名核造截數定限於十月底一律發交該地方官一面於年底彙奏並將各屬徵信冊一分送部備查仍照章另備多分移行該管道府隨時飭交本地公正紳民分給各鄉公同查閱如有遲逾錯誤隱匿等弊查明分別參辦再各屬應造徵信冊應以徵冊卷票為衡向係并卷徵收者即歸入一冊向係分卷徵收者即合冊造辦以資徵信等情詳請奏咨前來臣等覆加查核該司道所詳均屬實情謹恭摺具陳得旨戶部知道○剛毅奏山西省城各區被水情形得旨覽奏均悉即著飭屬確切查勘妥為撫恤以拯災黎一面趕緊堵截新溜挑浚舊河務使水歸河道毋得再行漫溢

光緒七十八

臣朱壽朋敬編

臣章士瑛恭校

八月壬戌剛毅奏靈南爲災汾河潰溢設法堵救賑撫情形得 旨覽奏均悉卽著飭屬確切查勘妥爲撫恤以拯災黎一面趕緊堵戢新溜挑浚舊河務使水歸故道毋任再有漫溢餘依議該部知道○甲子命安德爲庫倫掌印辦事大臣○以鄧安邦爲廣東潮州鎮總兵○乙丑世鐸等奏光緒十二年六月初十日欽奉 慈禧端佑康頤昭豫莊誠皇太后懿旨前因皇帝沖齡踐阼一切用人行政王大臣等不能無所秉承允准廷臣之請垂簾聽政並諭俟皇帝典學有成卽行親政十餘年來皇帝孜孜念典德業日新本日召見醇親王奕譞暨軍機大臣禮親王世鐸等諭以自本年冬至大祀 闕丘爲始皇帝親詣行禮並著欽天監選擇吉期於明年舉行親政典禮皇帝聞諭後當卽長跪懇辭醇親王及軍機大臣亦以時事多艱萬幾煩鉅皇 旨日就月將學無止境如蒙從緩歸政將來躬親庶務必更能貫徹無遺益臻上理爲天下臣民之幸再三籲懇情詞亦出至誠惟念垂簾之舉本屬一時權宜皇帝繼統御極仰承穆宗毅皇帝付託之重當此典學有成正宜與內外臣工勦求治理宏濟艱難自應欽遵同治十三年十二月

初七日懿旨卽行親政以慰深宮期望之意著欽天監於明年正月內選擇吉期舉行親政典禮所有應行事宜著各該衙門敬謹查照成案奏明辦理欽此又於十四日欽奉 慈禧端佑康頤昭豫莊誠皇太后懿旨皇帝親政典禮著於明年正月十五日舉行所有應行事宜著各該衙門敬謹預備等因欽此又於十八日欽奉 慈禧端佑康頤昭豫莊誠皇太后懿旨醇親王奕譞奏重申愚悃請允訓政禮親王世鐸等奏再行瀝誠籲懇訓政數年各一摺皇帝初親大政決疑定策實不能不遇事提撕期臻周妥既該王大臣等再三瀝懇何敢固持一己守經之義致違天下衆論之公勉允所請於皇帝親政後再行訓政數年等因欽此臣等伏維徽音嗣嬖周詩興詠夫思齊景祐開基宋史曾崇於嬪吳矧擇符閼珍以立極尤屬顯耀以難名欽維 慈禧端佑康頤昭豫莊誠皇太后道協坤貞智周離照當 皇上御極之始允臣工籲請之詞 大統初膺尙待 緝熙於典學 萬幾特總重煩 宵旰之憂勤 簡帥保以懋宸修 任親賢以參機務 運內安外攘之略惟斷乃成 區區補秋助之懷庶艱克奏用能十洲澄鏡八澌靜塵徧衢童壤更以肅徽合西賁南琛而納款茲以 皇上春秋鼎盛 德業益宏 飭羣工以規復舊章擇歲首而 命親大政 乾衷兢惕存望道未見之思 慈訓周詳裕執兩用中之義 引百鑒而豫防流失 堂階之吁咈頻聞 念時艱而交儆儻勸 宮寢之提撕倍切 啟萬世靈長之祚

孝養宜隆積羣黎徧德之誠頒聲交作臣等謹查同治十二年 穆宗毅皇帝舉行 親政典禮經王公
大學士六部九卿會議援照順治八年康熙六年成案奏請恭上 徽號欽奉 諭旨允行溯 舊典之
堪循慶 新猷之聿煥 體堯蹈舜宜崇至極之樞華祝嵩呼藉展尊親之戴爲此合詞籲懇恭請加上
慈禧端佑康頤昭豫莊誠皇太后徽號以修上儀以彰 至德伏願 皇上仰遵 成憲俯順輿情
燕翼長承大慰四海謳思之念 鴻樞迭旨用敷 一人錫義之仁所有一切應行典禮恭候 命下之
日各該衙門敬謹詳議具奏臣等不勝踴躍歡忭之至欽奉 慈禧端佑康頤昭豫莊誠皇太后懿旨禮
親王世鐸等奏恭請加上徽號以光鉅典一摺當經召見軍機大臣諭以時事多艱此正君臣交儆之時
所請加上徽號未便俯從皇帝聞命後再三籲懇該大臣等復以上遵成憲下順人心合詞陳請自係出
於至誠惟念十餘年來垂簾聽政惟日孜孜無非仰體 祖宗締造之艱冀臻中外乂安之治爰勸惕厲
不敢稍安前允諸臣所請俟皇帝親政後再行訓政數年亦惟兢兢以國事爲重所冀默念惟願大心眷
佑寶海澄清爾中外大小臣工務當忠赤爲懷盡心輔助倘萬事咸登上理克副深宮期望之忱正不必
以崇上隆儀始見尊親之義該王大臣等所請加上徽號之題著毋庸舉行○內寅諭大清會典一書自
嘉慶二十三年修纂成書後迄未續修前於同治十二年奉 旨准如內閣等衙門所議先令各該衙門

彙查案件分限編次嗣因編纂未就復於光緒九年諭令各該堂官督飭司員悉心編輯今又逾數載計
應一律告竣正宜開館彙編俾臻完備著將嘉慶十八年以後增定一切典禮及修改各衙門則例編輯
成書頒行中外所有開館事宜著大學士九卿酌定章程妥議具奏○丁卯畢道達等奏順直各屬本年
七月間經直隸督臣李鴻章會同臣等奏報被水情形是月初十日欽奉 特旨貴撥江蘇漕糧奉天粟
米以備賑卹仰見 聖朝子惠窮黎 加恩詭何凡在災民待食口食同慶更生詎七月十五日以後連
日大雨霖霖為災各河水勢咸漲均極洶湧沿河堤岸多壞漫口而順屬東路各州縣被淹情形尤重迭
據通州三河武清寶坻香河涿州保定等州縣稟報河水漲溢秋禾被淹等情通州於七月十五日以後
大雨連綿通霄達旦加以北運潮白等河漲漫出槽東西兩岸堤岸衝塌不少近隄各村莊禾稼均被淹
漑白河以各河水漲奔注隨處泛溢洶湧異常不特窪地積潦即高阜亦有被淹壞塋關廟內外一片汪
洋武清白大兩後上游山水暴發鳳河西隄出槽偏地深水秋禾皆在洪濤巨浪之中質坻以潮白等河
泛溢奔注巨浸橫流高窪水地一律平漫全境被淹香河涿州保定亦均以窪地田禾被水淹漫先後稟
報前來此外如南路之文安大城永清等處地勢向低釜底刻猶未據稟報除專札飭查核辦外其已報
各處經臣等嚴飭各該地方官趕緊分別設法堵疏一面查勘被水輕重妥為安撫經臣等將本年驟出

粟米暨商請督臣李鴻章將本屆 恩賞截漕之項抽撥米數酌量先辦拯撫仍委員分往散放以期及時拯救惟各屬被災甚廣貧民衆多必須預籌接濟等因伏查歷屆秋災迭經奏蒙 恩賞米石有案今因伏雨過多秋成失望民困殊深不得不為民請命茲聞江北漕米七萬石已抵通州尚未兌完災民待哺嗷嗷同深望澤合無仰懇 天恩俯念近畿緊要准 加撥江北漕米五萬石專備賑恤賑撫之用如蒙 俞允並請 飭下倉場總督照數撥山 等隨時咨商就近分撥災區核實散放務使實惠及民不准弊混遺濫至江北漕糧內輕糴商兌錢銀兩並請照歷屆成案核數提扣津貼賑需俾蘇民困而蘇 皇仁實深虔禱再此次災情重大所需銀米恐尙不敷再山 等函商李鴻章通融籌撥辦理 上諭畢道遠薛福辰奏陳明順屬被水情形請賞撥江北漕米一摺據稱本年六七月間雨水過多河流盛漲隄岸漫決順天通州等屬被淹尤重等語前因順直等處被災甚廣業經降旨加恩截留江蘇河運漕米等項以備賑需茲覽所奏順屬被災情形深堪憫惻亟須預為接濟以拯災黎加恩著照所請再撥江北漕米五萬石專備順屬賑撫之用此項漕米已抵通州即著倉場侍郎照數截撥由畢道遠等就近分別災區核實散放其隨漕輕糴等項銀兩並著照歷屆成案核數提扣津貼賑需餘依議該部知道欽奉 慈禧端佑康頤昭豫莊誠皇太后懿旨此次近畿被災較廣殊深屢系所撥米石仍恐不敷散放著戶部

卽將此次中秋節應進宮內款項撥給銀二萬兩以貼賑濟欽此事道遠等務當仰體 聖慈軫恤災民

至意督飭各屬趕緊確查被災戶口妥爲散給務使實惠及民不准絲毫弊混○頒給陝西大荔縣 太

白廟區額○戊辰祭 社 稷壇遣陰憲泰代行禮○大學士閻敬銘因病乞休允之○李鴻章奏順直

地方前因伏雨過多邊外及鄰省諸水匯注盛漲橫溢順大保定天津河間等府屬窪區受災不小北運

河之武清兩岸子牙河之河間兩岸滹龍河之蠡縣南岸大清河之新城雄縣北岸及通州之張家灣馬

頭等處薊州之薊運等河皆有漫口經飭印委分別查勘堵疏業於七月初八日專摺奏明此後若再連

雨不堪設想仰蒙 特恩賞撥江蘇河運漕米五萬二千餘石奉天粟米一萬三千餘石以備秋後賑撫

在案乃入秋霖霖不止七月十六及二十二日又接連大雨數晝夜上游西北邊外山水及西南鄰省諸

水山東黃河皆奔騰匯注勢猶洶湧各河宣洩不及漲溢益甚人力難施順大等四府窪區水勢瀾漫高

地亦有淹及而北運河西岸黃莊漫口現雖堵合續於七月十八十九日東西岸之紅廟村磚廠火燒屯

漫開三口水淹香河武清一帶王家務減水壩灰石水土衝壞其上游潮白河爲北運來源二十一日於

通州平家疇漫口七八十丈刷至百數丈過溜十分之八直灌通州三河香河寶坻寧河一帶滹龍河之

北岸薊縣北陳村中五夫村布里村高陽縣之崔家莊先於六月間續漫四口現堵合布里村一口安州

既受熾高漫水本境南北隄亦有潰決沿河沿淀村莊皆平地漫水數尺天津爲九河匯歸之區四面百數十里內一片汪洋田禾淹漫屋宇傾頽又查永平府屬向有灤河古龍河發源熱河一帶由遷安入邊經盧龍昌黎灤州樂亭歸海光緒九年被水一次昨據永平府及盧龍縣稟報七月十六日以後連朝大雨節次狂漲勢若排山濤青兩河容納不下二二日該城猝被溜淹澤地頓深數尺及丈餘雖二十二三等日卽行稍退但來勢過猛廟宇官舍民房倒塌甚多沿河水到之處百物幾致蕩然情形甚重灤河十八日水已入城次日卽退二十一日又被漫入數尺較盧龍稍輕其沿河各村受害情形與盧龍略同當經該府州縣官紳備船紮筏並帶乾糧分投濟渡救出災民不少亦有先期遷避者仍不免損傷人口現尙未將各鄉細情一一查清其遷安昌黎樂亭撫寧各縣處處阻水東道不通尙未報到順保津河各處既於伏秋迭被汎災永平又遭大水其餘尙有積勞被淹之處直境西南各府州尙幸中稔據老民聲稱今年水勢之大爲向來所罕有災區既廣民困益深臣等賑災乏術莫名悚懼迭飭各地方官並委員分投查勘拯救其災重必須急撫者酌撥銀米迅速解往查戶散放庶免流離失所餘俟勘定災分歸於冬撫案內續籌分撥至各處漫口前因水方溜猛辦料取土不易驟難施工刻下水勢漸落必應趕緊堵築以工代賑使漫流地可速涸復不誤來春種麥其潮白河北運河口門關係運道民生較重平家瞻工

程尤鉅已派通永道許鈐身候補知府桂本誠馳往勘估相機妥籌興築並派候補道吳廷斌督同楊村
廂勘辦運河西岸磚廠火燒屯堵口事宜蠡縣中五夫等口派督標中軍副將陳本榮會同清河道劉樹
棠勘辦此外各口卽飭印委分別籌堵並擇要酌修官衙監獄仍一面疏洩積水伏念直屬地瘠民貧每
值災歉賑撫難籌向蒙 聖撥銀米救濟七月初間奉 旨截留江蘇奏入漕糧六萬餘石原冀此後雨
水調勻再由司庫撥銀兩當可敷衍冬賑不期入秋後復被大水約計前項漕糧已不敷直屬冬賑之
需難再分撥順屬惟順大東路各州縣災情甚重窮黎嗷嗷待哺冬賑需糧不少除由順直先行酌量賑
撫外臣已織商府尹就近酌乞 恩施至日下應需銀兩現飭藩司於地丁等項下暫將應發他款移緩
就急竭力勻湊先行酌提銀十萬兩以爲緊要工需及各屬急賑之用如冬賑不敷容再設法湊辦 上
諭前因順直所屬被水成災諭令截留漕米五萬餘石備賑昨據華道達等奏順屬水災甚重允准再撥
漕米五萬石並欽奉 慈禧 上諭順直賑恤賑皇太后懿旨賞銀二萬兩專備順屬賑撫之用茲據李
鴻章奏本年七月間連日大雨河流陡漲宣洩不及北運河等處先後漫口香河武清通州三河寶坻寧
河蠡縣高陽安州暨天津各地方被淹甚廣並永平府屬河水猝至盧龍等縣亦被淹溺竊奏殊堪憫惻
著照所請由藩庫先行提銀十萬兩李鴻章卽督飭印委各員迅速分投查勘設法拯救散放急賑其各

處漫決口門嚴飭派出各員趕辦堵築以工代賑欽奉 慈禧端佑康頤昭豫莊誠皇太后懿旨直隸各屬被水災民嗷嗷待哺著戶部再將此次中秋節應進欸項撥銀二萬兩由李鴻章派員承領以資賑濟欽此該督務當仰體 聖慈軫念災區有加無已之至意督飭各屬分別被災輕重妥速散給務使實惠均沾毋任稍有弊混○庚午 上諭 奉先殿 壽皇殿行禮○諭御史鳳英等奏護軍統領明安揀選官缺並不比較騎射優劣率擬正陪致藍翎長瑞連等上書理論旋被護軍校惠承等攔阻批駁請飭據實回奏等語著明安明白回奏至瑞連等上書理論互相批駁實屬不成事體藍翎長瑞連護軍瑞斌護軍校惠承奎林均著送交刑部訊究○予安徽休甯縣節婦蔣江氏旌表○壬申以阿克達春爲安徽布政使張岳年爲安徽按察使○甲戌李鴻章奏臣前因官剝船戶窮極滋弊例定工食銀十五兩僅領一半不敷贍家餬口請自今年起每船由蘇浙漕項內酌貼工食銀五兩奉 旨著照所請戶部知道欽此業經咨行欽遵在案茲准戶部咨開定例封河守凍期內每船工食銀十五兩又每船每年給油艚銀五兩三年給小修銀二十兩又每運米百石給腳價銀八兩四錢另食米一石一斗五升同治七年請辦給耗米同治十年請每百石加腳費銀五兩歷已格外周恤今請加每船銀五兩應無庸議等因臣維部議剝船戶既領工食油艚修費又有腳價食耗米統計爲數似多故謂無須再加然逐項分計所得實屬有

限且此次係酌復工食辦法亦非例外加增請得而詳陳之查油艚修費係爲補葺官剝之用非船戶所得自私況軍興以後人工物價皆昂又將十年滿料改爲十五年船身歷久朽敗修費益重例領銀兩不足尙須賠補並無絲毫餘剩至同治七年籌給耗米每百石加給五斗七升五合迨奏明歸南省自行運通亦與船戶無涉此皆應歸剔除未可併計者其所得惟工食腳價食米三項從前封河守凍期內實領工食銀十五兩而於蘆商捐款東綱生息項下動支本無折扣凡運米到通係由經紀承交既不賠米更無浮費所得腳價除去沿途用項儘有盈餘且商貨暢行漕後攬載獲利是以尙不爲苦嗣因長蘆山東綱情疲累商捐生息收數無幾將工食減發銀七兩五錢而交米並賣之船戶遇有短缺與經紀各半分賠查南糧由海運津難免略受潮氣沙船行程遲緩米久儲倉鹹水外漬尤慮間有蒸變是以剝船受兌到通往往須下地風瞭踐踏拋灑並有附近窮民偷竊此中傷耗不少既須補賠其船上添置繩纜器具鋪艚席片秫秸沿途加雇練夫並過壩卸米脚力風瞭人工及一切守候意外之費尤屬不資每供斛百石僅例領腳費銀八兩四錢另食米一石一斗五升實不敷賠補傷耗及各項開銷幸有同治十年奏加腳費每百石銀五兩藉補運費之不足然每年運下三次所餘三項與工食併計約不過十餘兩每船水手谷口七八人一年衣食悉在其內焉能足用又值連年荒歉商貨稀少攬載寥寥遂致暗餽號寒貧窘

日據臣目擊其困憊情狀又據紛紛苦求勢不得不量予調劑查從前每屆虧短漕米至數萬石之多羈
掛船戶至數百名之衆津通兩處逐日追比血肉橫飛亦未有實濟迭經設法整頓嚴飭南北運員實力
稽查不准偷竊又加給津貼若干去今兩年竟無虧短實已著有成效該船戶既不敢作奸犯科而又明
知其資生乏術若不稍示體恤無以得情法之平難保不復萌故智商之倉場侍郎及蘇浙糧道意見相
同遂有酌貼工食之請亦緣例定工食減至一半僅計七兩五錢實發之數太少本應復額祇以直隸無
款可籌蘇浙漕項恐難多撥故僅議貼給每船銀五兩實較部議每船例給工食銀十五兩之數仍減銀
二兩五錢既未規復原額更非格外加增且必俟該船最後一次運竣如無顆粒短少始由蘇浙局員查
明自行核給否則扣留不發酌計每年每省不過分攤銀數千兩懸此以爲賞罰之的俾可觀感奮興仍
嚴飭運員實力稽查以冀不再虧短如敢抗違盡法嚴辦南省既無籌補之案正供卽免缺乏之虞實於
漕運大有裨助前摺已聲明嗣後不准於此外再請議增明示限制亦無虞踵行不已相應仰懇 天
恩俯念此係酌復工食辦法實較部議例定銀數有減並無格外加增 勅部仍遵前奉 諭旨自今年
起每船由蘇浙漕項內貼給工食銀五兩以裨漕運免累窮民得 旨此次工食銀兩著仍遵前行本年
起每船貼給銀五兩戶部知道○頒給卑叻卑中華會館 關帝匾額○乙亥湖北按察使溫忠翰因病

乞休允之○丙子以福潤爲湖北按察使○命編修張培元授職瀟讀○己卯譚德泰承平府高峯口官兵營房被水情形得旨覽奏已悉該軍民被災困苦卽著譚德飭令派出員弁確切查勘分別撫恤其衝塌官房准其併案由地方官修建餘依議○辛巳慈福端佑康頤昭豫莊誠皇太后履選秀女○欽奉慈福端佑康頤昭豫莊誠皇太后懿旨此次履選各秀女加恩毋庸冠帶均著梳頭○癸未予湖南湘鄉縣貞女成鍾氏旌表○甲申禮部奏光緒十三年正月十五日舉行皇上親政典禮例應前期祭告天地宗社等壇廟由太常寺具題遣派於正月十三日敬謹將事屆期皇上率王公百官詣慈寧宮於皇太后前進表行禮應派大學士二員捧表禮成皇上升太和殿受賀王公百官上表行慶賀禮禮成頒行詔書宣示天下得旨允行○乙酉欽奉慈福端佑康頤昭豫莊誠皇太后懿旨前於四月間派醇親王奕譞巡閱北洋海口因該親王連涉風濤實深眷念皇帝亦時切廕系故於召見時諭知欲派宮監帶領御醫全順隨往以時調護當據該親王面稱總管太監李連英人極謹飭請派隨往追回京時召見該親王諭以李連英有無招搖情事據稱該總管太監沿途小心伺候實與府中隨往太監無異絕無絲毫干預外事茲據御史朱一新奏遇災修省預防宜守流弊一摺忽以李連英隨該親王前往恐蹈唐代監軍覆轍危詞聳聽已屬擬不於倫又謂近來各省水災朝廷不無過舉未能

感召天和一若因循一事竟爲咎徵尤屬附會不經我朝廷優禮近支親藩宮廷太監賜予往來係屬常有之事此次該親王巡閱洋面迴非尋常差使可比特派太監帶同御醫隨行以示深宮眷注體恤之意於公事毫無干涉該御史既未悉內廷規制又復側詞牽引諸多支離姑置勿論惟所稱李連英隨至天津道路謬傳士庶駭愕與該親王面奏各語大相逕庭是否確有實據又稱深宮或別有不得已之苦衷語意尤不可解以上兩節著未一新明白回奏不得稍涉含混另片奏出治之原莫先無逸圖治之要莫切求言等語自垂簾聽政以來二十餘年無時無事不以國計民生爲念愛勤惕厲惟日孜孜未敢稍自暇逸此天下臣民所共見至言官條陳事件無不虛衷採擇惟言之用否總以是非爲衡其是者固必立見施行卽或撫拾浮詞無關緊要但使其心無他亦可存而不論至於託言忠讜肆口妄談或植黨營私或違道干譽若不予以懲儆必至顛倒是非紊亂朝政況現在言路並無阻塞卽因陳奏失當獲咎之員朝廷寬大爲懷亦多有其既往酌量錄用總之言官行權悉秉大公正不在屢下詔書徒飾觀聽也該御史所請明降諭旨之處應毋庸議○欽五城煮賑米三百石並加發小米五百石○丙戌夕 月於西郊遣載勛恭代行禮○張之洞奏 上諭沙田升科一事止賦攸關豈容奸民蔽匿迭經戶部奏催辦理著該督撫督飭所屬查明已升科若干畝卽將未經升科之沙田迅卽確查妥辦等因欽此當卽

恭錄欽遵督飭司局籌議辦理近准戶部咨現擬改辦升科誠爲正本清源之計粵省地居濱海沙坦較寬此項退水之田素稱膏沃獲利既重流弊滋多是在妥議章程擬定期限嚴稽匿稅慎選賢良一切事宜果能辦理認真自必立見成效況仿照山西豐寧馬廠成案辦理更當確有把握萬不至若從前之因難中止務須妥速籌辦勿涉因循等因復經轉行飭辦茲據廣東布政使高崇基會同沙田局司道詳稱粵省沙田以廣州府屬香山爲最多順德新會東莞次之番禺南海又次之潮州府屬海陽揭陽潮陽澄海等縣爲數有限自嘉慶二十三年查辦升科以後所有新沙溢坦斥鹵成熟雖迭經報查清丈飭令照例升科終以未經部覆核定未能入額徧徵各業戶坐擁膏腴仍完斥鹵輕則至沙田畝數潮查嘉慶二十三年奏案已查明奏准升科者五千三百餘頃此項名爲額數咸豐四年屯田變價案內除山官長盧稅佃人承領五百餘頃外實則升糧者一千四百餘頃同治六七等年清丈案內查出溢坦繳息升科者五百餘頃光緒七年補升案內查出斥鹵成熟應接則補升者四千餘頃此各項皆爲新沙此外近來新增溢坦自當不少但未經呈報勘丈無從懸擬合計老沙新沙有案可稽者共計一萬一千三百餘頃至同治年間清丈案內奏報沙田一萬九千餘頃查與司案縣案皆不相符似係舛誤無關收息銀數出入應俟查明致誤之由另行辦理惟老沙新沙皆未請給部照民間但憑契單縣照司照管業其間或有遺

失或經典傳影射使佔啟爭受累均所不免此次擬請除原額民田外無論老沙新沙一律換給部照其
每戶田不及一頃者以一戶爲一照其一戶過一頃者以一頃爲一照如數頃數十頃之外尙有尾零數
十畝亦儘數填給一照以便買賣分析老沙無庸再丈按冊核給新沙清丈明確立時填給嗣後民間買
賣過割以此爲憑仍詳加查勘分別上則中則分科起征永遠免其攤派籌捐此次繳息定則俱照舊章
酌量從寬庶國課漸充民情亦順現已詳察輿情酌議章程一面遴員設局延商公正大紳出示開辦
惟必須頒發戶部空白執照隨時填給方期鼓舞其照式由粵省酌議咨部核定刊發詳請具奏前來臣
查廣東查辦沙田之案自道光二十四年以來已不下五六次或溢坦歸屯或屯田變價或斥國補升或
承報溢坦或海防沙捐查勘累年籌捐多次惟始終未領部照未編賦額以故清如不清丈如不丈不能
取信於民由來已久此次遊 旨清丈升科必須部照隨丈隨給使各沙戶曉然於此舉實爲便民安業
一勞永逸之計執有此紙以後或買賣或管業永息訟爭更無派累自可踴躍趨公一律澄清查臣前在
山西巡撫任內勘辦豐寧官荒馬廠卽係奏准頒發空白部照隨丈隨給一時租戶耕氓無不爭先引勘
惟恐清丈委員到來之晚事理相同民情可見竊聞直隸奉天等處丈勘荒地辦法略同此次部咨既准
仿照山西豐寧馬廠成案催令速辦相應援案奏請卽委員赴部領辦此項部照回粵以期妥速合無仰

懇 天恩勅部迅速頒發空白沙田執照一萬張交委員領回俾得及早勘辦一俟辦有成數隨時咨報
於清賦便民大有裨益得 旨如所請行○命清安查勘 秦陵工程○戊子欽奉 慈禧端佑康頤昭
豫莊誠皇太后懿旨御史朱一新明白回奏一摺據稱前奏不得已之苦衷一語卽係仰測深宮體恤醇
親王因令太監隨行之意至李連英隨往天津道路雖然士民駭愕一節風聞醇親王不受北洋所派座
船該太監遂乘之沿途辦差著誤爲王船駭人觀聽該太監一不謹慎流弊遂已至斯等語因召見醇親
王面詢據稱由通至津李鴻章派來座船一隻該親王乘坐又備船一隻係護衛等乘坐李連英與隨行
府中太監等所乘係常船數隻其火食船隻係李鴻章出資預備派令隨行並無沿途辦差之人亦無誤
認之事是該御史風聞不實確無疑義我朝優待諫臣廣開言路凡前代秕政悉就闕除朱一新所奏如
僅及李連英一人之事無論如何誤聽斷不因官豎而加罪言官惟該御史既料及內侍隨行係深宮體
恤之意何又目爲朝廷過舉且當時並不陳奏迫事過數月忽援引水災砌詞妄瀆於垂簾以來救災恤
民有加無已至意全無體會應如何補救時艱亦無建白徒以虛誕之辭希圖聳聽一加請責自知詞窮
輒以弄生迂拘捏爲解免是其才誠執謬實不足勝獻替之任朱一新著以主事降補其從前所陳奏留
中兩次摺件均皆擲還嗣後近支親藩遇有外差內廷派令御前總管太監等隨行絕不干預公事內外

臣工不必妄生疑議至諸臣陳奏事件總應專就本事剴切敷陳若係取快詞鋒不按事務必藉端立說以遂其傾軋之私卽如從前茂林慶林侵佔官地本有應得之罪而余上華參摺奉入轅雪無礙張佩綸稱朝廷恩留王文韶是日卽致地震彼時從寬未加責飭以致相習成風至今未已殊與整飭紀綱實事求是之意大相刺謬此後各省偶遇偏災或民隱不能上達或胥澤未能下逮以及不肖官吏種種弊端均當切實上陳以副兼聽並觀之意至朝政或有闕遺及臣工確有過失均著就本事立時論奏倘於後挾私臆測附會災祥除原奏不准行外定必加以懲處以爲妄言者戒將此通諭內外大小臣工知之○希元等奏前任將軍銘安於光緒四年九月間派員查明阿克敦城一帶荒地多被私墾從未查禁奏明一律勘放藉資安撫等因當派留吉補用知府趙汝誠前往勘放嗣於添官設署案內將阿克敦城奏設縣治名曰敦化縣卽委趙汝誠試署縣事凡放荒征租一切事宜悉歸該縣經理迨奴才等抵任後迭經飭催趙汝誠將所放荒地趕緊辦竣升科以便造冊報部旋據先後報稱敦境僻處偏隅山深林密距省既甚遠更復隔絕通衢非設法招徠難期振興因於初放之時卽擬定變通辦法准令佃戶領地不拘成數寬予限期陸續完交各處民戶始行闢風樹聚接踵而來光緒五年分放出熟地二千七百七十四畝八畝九分生荒一萬七千九百二十畝零五畝八分每畝徵收荒價錢三千三百三十文所放熟地

當年升科照章每晌徵收大小租錢六百六十文又自光緒六年起至十一年止約放生荒二萬三千餘
晌除五年分出生荒一萬七千餘晌業將荒價陸續追齊發給印照外其六年以後所放荒地二萬三
千餘晌應收荒價多未交齊俱未發給印照委因該處地僻人稀盜匪不時出沒所有領地之戶無非流
寓貧民一身之外別無長物加以連年歉收民多逃亡實難勒令升科納租各等情正在核辦間適趙敦
誠調署雙城廳通判當卽據派委用知縣劉調元署理敦化縣事接辦荒務一切事宜並由省據派騎都
尉兼雲騎尉永貴等前往該荒會同劉調元據實查辦以期迅速肅清茲據委員等稟稱查得該處地屬
荒寒秋霜極早連年收成歉薄佃民無糧糊口甚有以藜藿充饑者以致無資墾地潛逃佃民竟至五百
餘名之多故自光緒五年起招墾至今各佃所領生荒內墾熟之地均僅十之一二所欠荒價甚鉅勢難
催收可否按年帶徵並緩期升科等因稟請核辦前來奴才等查敦化縣一帶距省爲遠地僻民稀向爲
盜匪出沒之所此招墾之初原辦委員審度情形所以有暫准欠價以廣招徠之舉乃因地冷年歉民多
流離以致荒未開墾價未交齊間或招有一二接領之戶依然交價無期一經催迫則逃亡相繼是以光
緒六年以後所放之地迄今佃無准人界無准記地無確數價無完期直與未放者無甚區別若不澈底
清理及早變通必致積重難返困累日深殊非裕課安民之道奴才等伏思與其拘執前辦欠地荒租

賦無出徒滋擾累曷若寬其既往量加變通另行查辦一律歸實擬仍派該員等帶同繩弓委員前往該縣親履荒界勘丈明確澈底清釐另行查辦除光緒五年放出熟地當年升科外至光緒五年放出生荒一萬七千九百二十晌零五畝八分並經收齊荒價發給印照然開墾成熟者僅有十之一二而光緒六年以後所放荒地至十一年止約有二萬三千餘晌不但地多未墾印照未領卽其應交荒價拖欠尙多若以放出之年計之其五六兩年所放之荒已屆限滿似應升科惟所欠荒價尙屬無力完交尙再迫令依限升科民力實有未逮擬請將光緒五年起至十一年止歷年放出生荒不拘某佃原領晌數多寡有無拖欠荒價總以已交到官錢數爲斷若欠價之戶尙能措交若干各隨其力卽由委員隨時查收無論原交續交一體辦理查明某戶已交到荒價共有若干仍照章俱按市錢三千三百三十文核給納租地一晌准由原領界內酌量撥給務令錢地數目相抵不准再有盈虧隨時勘明界限分消荒熟若係光緒五年領荒之戶已有印照者另予更換六年以後無照之戶卽行按名發給各於印照內註明荒熟若干倘無論原領年限遠近統自此次清丈之年爲始已墾熟地當年升科未墾生荒再予限五年至第六年一律升科但照定章每晌徵收大小租銀一錢九分八釐如此變通辦理凡過價少地多及欠價始終無力完交各戶均須將浮餘之地撤退歸公所撤退公併逃戶遺棄以及原剩未放之荒俱由該委員等另

行招佃倘無人承領卽行封禁將來開闢日廣人烟稠密地土若能和暖尙可招墾徵租再哈爾巴嶺迤
東南岡一帶荒地前於光緒十一年十月間已經另案准撥歸琿春招墾局經理合併聲明得 旨如所
請行○已升穆圖善等奏光緒十一年十月間准軍機大臣密寄光緒十一年十月二十二日欽奉 慈
禧端佑康頤昭豫莊誠皇太后懿旨前據軍機大臣總理各國事務衙門會同神機營王大臣遵議東三
省邊防事宜屯田如果辦理得宜爲天地自然之利各該將軍身任地方均屬分內應爲之事並著確切
商辦原摺片均著鈔給閱看等因欽此遵 旨寄信前來仰見 皇太后 皇上思深慮遠維持根本之
至意奴才穆圖善於到吉後交奴才希元遵將王大臣等原奏各條逐一會商除練兵應辦事宜另行具
奏外查原奏內稱從前伊犁養兵之費半資屯田其法凡旗兵漢兵每年分撥四成屯田六成差操吏番
爲之故可持久吉林荒地極多借使於經制兵內仿伊犁成法抽調若干成授田墾荒開渠灌溉以資生
計雙城堡卽其明驗應山 例派大臣會同該將軍等察酌情勢奏請施行等語竊思守邊備塞可以紓
民力而省轉輸者固莫善於屯田漢趙充國行之北邊已有明效卽富俊之經營雙城堡亦無非百人寓
兵於農之意但今昔情形不同其中之緩急輕重有不得不熟慮者從前吉林荒地本多嗣因流民日衆
始議招墾迨光緒四五年舉附近可墾之荒盡行放出已無餘地卽如伊通改化馬延河等處所放荒地

現時已屆升科年限而該佃戶等或因沙石礮礮或因地土瘠薄已領之荒熟者十僅二三並有棄地
潛逃者各州縣稟請核實勘辦展限緩徵亦足見墾荒之非易事也至甯姓墾東邊一帶非無閒荒然欲
移經制之兵往墾其地仿雙城堡辦法其周圍井道牛具籽種一切經費正復不貲亦且無從籌措奴才
希元前年於議擬編修朱一新摺內擬將甯姓墾防軍撥往開墾似較便而易行已蒙 聖明採納但邇
來邊防緊要地方伏莽未泯各處防軍均係扼中駐紮近復抽撥馬步三營交奴才穆圖善重加精練設
將各路防軍再行分撥墾荒遠或離營四五百里近亦二三百里深慮顧此失彼以墾務之急反致防務
之疏殊非所以慎固封守也奴才等再四商酌竊謂備邊籌餉屯田固不可不興而審時度勢究有未易
遽行舉辦者俟一二年後防務稍鬆地方安謐再由奴才希元體察情形奏明辦理報聞○是月法蘭西
國新簡駐華使臣恭思當抵任○荷蘭國使臣費果孫病痊回任

九月辛卯朔諭李秉衡奏知縣查官請革職降補以示懲儆等語廣西賀縣知縣孫滋澤當地方災祲之
後並不加意撫循任意妄為苛派勒罰著卽行革職以爲罔恤民艱者戒試用知縣王金釗委贖平糶穀
米購運遲延玩視要公著以縣丞降補並著李秉衡查明該兩員如何有招搖浮冒情弊再行從嚴懲辦
餘著照所請辦理該部知道○壬辰諭慶裕等奏沿河被水災黎請發倉撫卹一摺本年秋間奉天遼河

巨流大凌等河因連日大雨山水暴發同時盛漲平地水深數尺田禾淹沒人口傷斃田莊壑一帶被水尤甚小民蕩析離居深堪憫惻現經慶裕等捐撥銀兩分別設法拯救卽著將該省各州縣存儲倉穀酌撥並遴員會同地方官確查戶口核實散放俾資賑濟餘著照所議辦理欽奉 慈禧端佑康頤昭豫莊誠皇太后懿旨著將本年萬壽節內務府應進銀一萬兩撥爲奉天賑濟之用欽此慶裕等卽當仰體聖慈軫念民艱有加無已至意督飭各員分投散給務使實惠均霑毋任稍有弊混此項銀兩未到以前卽著該將軍等先行籌款墊發勿稍延俟內帑解到再行歸款該衙門知道○癸巳譚鍾麟等奏 臣等前將野番越河搶劫鎗斃巡哨兵丁復奪犯戕害營官派兵查拿要犯一案於本年六月十七日恭摺奏聞於七月二十五日准兵部火票遞回原摺後開軍機大臣奉 旨知道了卽著飭令李良穆等督率馬步各軍相機拿辦務獲首逆正兇盡法懲治以安地方欽此 臣等於具奏後迭據西寧道方鼎銘馳報署河州鎮李良穆督飭記名總兵沈福田酌帶馬步隊伍進紮雪山東南保安堡一路該番聞我軍進發卽由高紅崖地方逼近意存抗拒嗣聞署西寧鎮鄧連拔帶領馬步隊駐龍王池扼其後路始行退入雪山峽口據險拒守時當夏令其中番酋數尺意我軍必不能進攻經李良穆督飭沈福田將峽口附近插帳之番族盡心招撫令之前導該四族番匪始圖逃逸當我軍分路進攻之初卽料該番勢必西竄而魯

倉一帶爲通四川果洛克番之路早經方鼎銘飛飭豫派總兵王振德記名總兵崔偉候補遊擊劉可舜等率馬步隊迎頭堵截並知會鄧連拔率軍馳往魯倉竹笆林一帶與王振德等分途冒險襲糧攀援前進行不數十里忽據魯昌族千戶魯本科馳報阿租呼等回族已竄至忙拉木地方經魯本科率兵攔阻不令由魯倉地方經過鄧連拔聞信一面分飭各旗扼要包抄斷其去路仍飭兵丁隨同魯本科前往宣示重鎮麟前發示諭但令交出爲首要犯必不多事殺傷致失朝廷撫馭至意乃該番等不遵開導一見我軍卽憑高據險開放鎗礮我軍分路仰攻自辰至午相持三時之久賊始大敗奔竄我軍陣斬也乃亥定亥勒賈南木頭目二人扎咱拉麻巴頭目二人並阿租呼族頭目親子一人格斃悍番數十名其餘族衆全行奔散奪獲器械牲畜數千查點我軍陣亡鎮西右旗哨官補用參將鍾德標一員兵勇六名帶傷兵勇二十三名此六月二十六日與番族對敵獲勝情形也上等伏查此案前經密飭賈德同知張大鏞查明地方險要應由何處進兵設伏何地儲糧何人嚮導諸務妥籌擬就繪圖貼說隨時稟請上裁度節卽布置進兵之際又令隨處嚴防步步持重並經飭諭魯本科各族到處攔阻該番無路可逃故一舉而殲厥渠魁固由將領等勇往直前奮不顧身實皆仰賴天威遠播番酋震懾故能陣斬首要各犯以伸國法而快人心其餘逃番應妥爲招安免其再出搶劫當飭署西甯鎮鄧連拔與王振德會同賈

德廳營委辦理善後事宜餘軍概令歸伍茲據總兵王振德同知張大鏞遊擊楊玉周詳報迭禪寺囑勒
直錫呼圖克圖與受寺番僧帶領該四族小頭目並番族等於七月十六日到案乞撫傾心投誠永爲
良番由各寺番僧承保日後永不爲匪因令將所獲番衆牲畜分別發還爲牧放之需並添賞鍋帳青稞
麥麵茶布等項以度目前至查造戶口給發門牌選舉頭目放充百戶等事應由地方官次第舉行惟番
族犬羊成性專事劫掠仇報復現擬將派定回族百戶貢成完受千戶仍統歸魯本科管轄如此上下
相維彼此箝制或可安邊圍數十年之安此次官弁兵勇深入番地冒險衝鋒兼旬之內首要伏誅野番
膽落黃河以南各族悉就安撫尙屬辦理迅速而魯倉千戶魯本科尤能深明大義踴躍効命俾我軍刻
期戡事似應懇 恩獎賞可否由 聖等將出力員弁確切查明酌保數員之處出自 逾格鴻施至陣亡
花翎補用參將鍾德標等皆久經戰陣奮勇敢死之士仰懇 天恩飭部照例從優賜卹得 旨覽奏已
悉仍著將善後事宜妥爲辦理以安邊圉陣亡之參將鍾德標都司孫良貴著照所請分別從優卹卹所
有出力員弁准其酌保數員毋庸冒濫○乙未予浙江山陰縣節婦李晉氏旌表○諭劉銘傳奏提鎮大
員剋扣餉銀請行革職降補等語記名提督方春發統帶鎮海前軍三營於營中應發各項餉銀或不照
章發足或竟始終不發並信用已革知縣陳海春販運煙土聽各營各勇吸食按月扣餉抵銷以致營伍

廢弛又總兵桂占彪管帶鎮海前軍右營亦有減發銀兩扣發存餉等情似此扣軍餉紊亂營規實屬大干法紀該撫僅請革職降補殊屬輕縱方春發桂占彪均著先行革職交該撫親提研訊將應得罪名按律定擬具奏具題扣欠發各款仍著查明確數勒限嚴追不得稍涉含混該部知道○內申諭總理各國事務衙門奏請飭粵督照章接見法領事一摺前經兩次諭令張之洞與法領事相見何以該督膠執已見並不遵辦總吏接見領事本係或在條約如有非理要求止可當面駁辦儼堅拒不見致該使曉諭有辭非特有傷國體必致別生枝節著張之洞懍遵諭旨即行接見仍將遵辦情形迅即電聞○前浙江按察使陳寶箴已革兩淮鹽運使洪汝奎分省補用知府桑彬廣西候補知府石承霖試用知縣陸維祺前赴廣東交張之洞差遣委用○調黃廷彪爲廣東高州鎮總兵王孝祺爲廣東北海鎮總兵張春發爲廣西右江鎮總兵○曾國荃奏金陵洋火藥局添購礮盤機器並增建廠屋需用經費銀數經臣於光緒十一年十二月十六日附片奏明在案茲據金陵製造洋火藥局江蘇候補道孫傳樞等詳稱前次續建礮藥壓藥光藥六角餅藥車礮鑽機器各廠以及提硝儲停各藥處所及匠房等處工程均於本年五月一併竣工即於六月初一日添派通曉汽機司事及弁兵匠役人等開用新礮四副一併開造該局爲竭力節省經費起見復就原估添購礮盤之數多方酌劑設法通融現計先開四副合舊礮四副已足

略供本省防藥之用此外尙存新礮四副留俟日後工程緊急之時再行開用茲就此次開用新礮四副加造火藥酌量料物工資薪糧等項每年應增經費需銀一萬四千數百兩查前定常年經費銀四萬兩嗣減洋匠通事增派總理汽機委員以增抵減計需銀三萬七千數百兩合添礮加造需銀一萬四千數百兩總共約需銀五萬二千兩此項經費擬請統由金陵防營支應局撥用嗣後留存新礮四副如須一併開造以及閏月夜作加工添購機器修造廠屋一切應增經費容俟隨時酌定報明以昭核實下部知之○戊戌李鴻章奏竊照直各屬向有王公貝勒等府莊田光緒六年御史朱以增請遇災酌減租數並佃租歸地方官徵解以佃租改歸官徵事有窒礙奏明仍由各府自行經理嗣因光緒九年水災較重查照前案奏請減租欽奉是年十月十五日 上諭所有王公等府莊田著卽自行體察災歉情形將如何減收租數之處知照坐落州縣出示曉諭不准莊頭攔收將已減之租朦混舞弊其內務府地租香燈租步軍統領衙門西河歲修租事同一律並著一體減收分別知照曉諭以紓民力而除弊端等因欽此當經內務府奏明莊田等應交是年十成錢糧一律減免五成以免追案於民其革退莊頭等暫歸官徵地租由各州縣體察徵收飭據武清等縣將內務府等莊頭等地租香燈租步軍統領衙門西河歲修地租一體減免五成如有災前花戶已完租項准抵次年之租其節年民欠租項約緩至次年秋

後啟徵出示曉諭在案茲查順直各屬窪區本屆大水為災情形尤重業經臣等節次陳奏一面籌辦賑撫並飭印委確勘災歉分數另行照例籲懇 恩旨豁免緩糧和先行照章曉諭停徵外復據永清等縣辦賑委員稟稱受災之處田禾既失收成廬舍亦多倒塌窮民饑寒交迫困苦異常 國家維正之供咸知例應豁免無庸過慮惟京旗王公貝勒各府及內務府之地向係莊頭攬頭等經手其賢否不一雖各府已准減收深恐經手之人朦混舞弊仍向追索且或今年租項已於上年預收今年又須預收來年租項始准種地災黎餬口無資實屬力難交納因向委員紛紛呈訴情詞迫切並稱光緒九年十月曾奏請明諭減收為時已逾該莊頭等皆於九月起即行催索或串通州縣書役壓擱告示直待租項追齊始行張貼致有售房屋鬻子女並以所得賑款湊交者其情實可傷慘應請早日奏辦等情前來臣等查順直此次災區凡種糧地及各項官租地之窮民於照例懇 恩豁免賦課先行照章停徵外又迭蒙 皇太后 皇上賞撥漕米十一萬餘石並欽奉 懿旨節省宮廷用項兩次 加恩順大直隸銀四萬兩以資賑撫 恩施優渥感戴同深王公各府仰體 聖慈自必將災區地租照案核減惟經手之莊頭攬頭人等其中賢否不一仍恐從中朦混或有上屆全數追索之弊至各府坐落何州縣何村地畝若干順直無冊籍可稽合無仰懇 天恩俯准照案 特諭王公貝勒各府並各京旗仍自行體察坐落州縣災歉情

形將莊田減收租項其內務府各項地租步軍統領衙門地租一體減收上屆內務府係不分災歉奏明一律減免五成此次災情尤重似應照辦王公貝勒各府並各京旗步軍統領衙門是否亦減免五成並各迅速酌定知照直隸轉行坐落州縣出示曉諭俾窮黎得沾實惠其有災前花戶已完及上年預行全收長田租項准抵次年之租節年民欠租項均緩至次年秋後徵收以紓災困臣於奉 旨後即敬謹刊刻謄黃先行委員分往被災州縣村莊張貼並令於催收時先按五成完交仍俟各處核定減免成數行知再由州縣曉諭遵照其已經上年預交者即無庸再交至各州縣未被災歉村莊應令仍照十成完納不得減免倘有莊頭攬頭書役人等串通弊混及奸民隱射抗租照例懲辦再查各屬紳民地畝內有佃戶承租交租者既被災歉其租項亦應一律減收俾昭公允此因災重之年窮黎困苦不得不照案調劑庶元氣不致大傷其尋常災歉之年仍無庸專奏以示區別 上諭李鴻章奏順直各屬被災請將京旗各府莊田照案減收租項一摺本年順直直隸各屬水災較重小民困苦異常朝廷應念災區業經發給米石銀兩以資賑撫所有王公貝勒各府並各京旗莊田著即自行體查災歉情形將如何減收租數之處行知坐落知縣出示曉諭不准莊頭攬頭等將已減之租朦混舞弊其內務府各項地租步軍統領衙門地租並著查照成案一體減收以紓災困餘著照所議辦理該部知道○頒給直隸順德府 九龍神

廟關額○費五城者照米石○己亥張曜奏黃河連年爲患節經內外臣工多方計畫條議臚陳均在

皇太后 皇上聖明洞鑒之中微臣履任以來徬徨悚懼寢食難安深恐民困莫蘇上勞 宵旰凡百河
務者至布衣之士微末之員無不詳細諮詢虛心體察蓋一人之智慮難周衆論之利弊較確本年自春
歷夏王家園等處先後漫口與二月初六日疏陳辦法情形稍有不同現與河防局司道詳慎籌議就
人力財力所能爲者勉求補救之方惟有疏濬海口抽挑淤灘兩岸漫口分別堵築一面將遙堤民埝酌
量緩急分年增培並將徒駭河兩岸堤工增培添築以防氾濫從來治河之法總以疏濬之策爲上應因
疏濬爲難專事堤防又因堤防屢潰遂議分派蠶水底疏濬固難爲計若上游決口下游河身乾涸乘時
挑挖人力應所能行然祇有挑挖引河十里及數里不等未見全河挑挖者自係勢所難行今以挑挖河
面寬四十丈底十六丈深一丈二尺計之每里起土六萬餘方每人至多一日挖一方計六萬餘人日挑
一里已屬工緊費鉅上游堵口之工勢難久待以前之人罕見舉辦者卽以此故今姚家口以下河流自
上游漫口以後細流一縷淺不容舟應於淤灘挑挖引河十五里其引河以下至鐵門關勘有淤高磯灘
三十四處湊長一萬二千五百丈擬抽溝切灘姚家口一經堵築得以引水歸河其自蕭神廟以下三河
蓋壯螭嘴一帶係海潮黃流接連之處距岸稍近者可挑挖川字引河其中間淤灘人力勢所難施應

用機器船隻以便節節疏濬大凡機器中流挑淤不難於挑挖而難於運送山東無製造機器船具購買機器式樣甚多必須察看河形方可購辦昨日咨商大學士直隸總督臣李鴻章遴派熟悉挑河機器之員由海路前來太平灣更換小船入牡蠣嘴一帶詳細察看臣已委員一同前往究明何項機器船隻爲宜然後購買應用於事既可省濟經費不致虛糜倘能疏濬得宜由海口汴流而上節節濬挖一面再將隨壩以下堤段接連添築以期攔水歸槽與機器挑淤相輔而成其機器船隻價值未能預計俟購辦時另再奏請所有挑挖引河酌挑礮灘估計工程經費除成本外共需銀二十九萬七千餘兩此籌挑下游引河礮灘並籌濬海口之情形也至於堤埝之防非不足恃從前因河岸愈刷愈寬河寬則溜勢散漫以致日淤日高及至水與岸齊沿河居民築埝而守人力之多寡不齊財力之貧富不同是以工程之高低厚薄未能一律及其河流衝刷低者陷而高者亦陷薄者潰而厚者亦潰其時以爲河身太窄遂興遙堤之工遙堤距岸近者三四里遠者五六里泰山之陰地勢愈北愈低是以北岸遙堤衝塌尤甚竊維築堤之道必當知河水分數然後定河身寬窄以爲容水之地過寬則停淤過窄則易溢此理所必然也黃河南行之時以深州城外河道爲準北徙之後以歷城縣境南北濠口爲準深州城外河乾年久風捲沙移從前之深淺無從測度南北濠口兩岸相距計寬九十七丈九尺以測土方之法測水方伏汎盛漲之際

節節測量深淺奉算計水一千八百零六方以此度之河面寬至百丈兩岸堤埝之工果能堅固即可束水改河今上下游河面均較濶口爲寬更有寬至三四百丈者今宜就向有民埝薄者培卑者增坐灣兜溜者取直另築或加月堤或再加套埝如得逐漸工作足可防禦若竟棄之不顧則近河千百村莊勢將盡付洪流殊非救災捍患之意且河面愈寬溜滾無定不能盡在中流是以南河寬處二十餘里仍不能無患也至遙堤之得地勢者亦當增培就沿河堤埝之工不宜偏廢查北岸自東以至齊河本年伏汛盛漲險工最多此段遙堤計二百零四里民埝順河多灣計有一百三十里均一律增培齊河以下遙堤之地勢低窪人力經費一時兼辦爲難應先將民埝三百四十二里一律修培估計北岸遙堤經費民埝津貼除成平外共需銀五十三萬一千二百餘兩利津下游至龍壩尼堤工九十六里除成平外需銀六萬五千八百餘兩南岸遙堤自長清縣韓家村起至利津縣境梅家莊止三百十五里應卽一律增培民埝除章邱縣陳家莊以下一帶因何王莊漫口以後東西兩岸皆被水溜浪淘殘缺已多一時無從修築擬自長清縣符河口起至陳家莊止一律修築計一百二十里估計南堤遙堤經費民埝津貼除成平外共需銀二十六萬七百餘兩此籌辦南北兩岸堤埝工程之情形也東省連年漫口專事堵築者原爲拯溺之計而此堵彼開幾窮人力計時連隔數月近隔數日若今年漫決口門一經悉數堵合恐不待明年汛

漲他處又將潰決自不得不變通辦理至於減水分入徒駭實爲因勢利導之計論者以謂上游減水則下游水弱停淤此言誠是然必兩岸堤工堅固無虞潰決自毋庸分減黃流以收來水攻沙之益今兩岸之堤工未堅水漲則漫決爲患不得不爲減水之計究之減水與決口情形迥不相同決口則大溜驟然旁洩水勢頓緩自必因之停淤若減水則於汛漲之時逐漸分流正河溜勢暢行無虞停淤之患前河新輔行之著有成效至今徐州上游開墾舊基均可復接查齊河以下陳家林李家岸趙莊等處三年之間四次漫口經過之處莊村衝塌殆盡趙莊一帶坐灣頂衝是以連年漫口均在此段應留趙莊口門減水分入徒駭較爲相宜但此口門可以緩堵而不可以久開將來堤埝之工增培堅固用海口機船挑溜沿河積淤沙嘴抽溝切灘之法辦有成效然後於趙莊附近擇地建造減水石壩仍將趙莊口門堵合惟現留口門必須將兩面壩頭裏修堅固口門以內排釘木椿以防跌塘刷寬之患至於趙莊以北橫築大堤直達徒駭河以免倒溜漫淹禹城一帶其王家圈姚家口兩處口門今春漫口村莊初次被淹口門堵合以後數萬居民尙能整頓田廬自謀生計應卽先後堵合其南岸河套圈口門水行郭家寨入小清河由章邱以至樂安八縣地方入海惟近海一帶地勢較高疏挖無效以致巨浸難消是河套圈口門而應堵築至何王莊口門原擬緩堵以目前水勢而論仍應堵築庶附近數十村莊可期復業所有趙莊口門

減水應築橫堤修築頭排釘木椿估計經費除成平外共需銀十二萬七千餘兩堵築王家園等四處口門估計經費除成平外共需銀六十一萬餘兩此籌辦兩岸口門之情形也徒駭河堤工迭經署武定府知府胡鳴泰稟稱節次汎漲惠民已築堤工八十六里被衝決者十之七八其濱州沾化縣境待至秋後水消冬令久成水灘築堤工作甚難甚難等語臣查本年黃河北岸漫口之水悉趨徒駭山流鎮鎮陳家廟入海者不過十之三四其餘漫水均由平地東流是以濱州惠民濰化濟陽四州縣被淹最寬今徒駭河岸若不增堤收束任其散漫東流日久到處停淤下游一經墊高上游又將旁溢現擬自禹城轄境以至商河計二百二十里北岸村莊尙未被水民力尙能自顧應辦堤工仍由地方勸諭紳民趕爲增培此外惠民濱州濰化以及徒駭河南岸地方連年被淹民力拮据築堤工程酌量給以津貼下游地段雖夏水冬冰人力難施惟有乘時工作得尺即尺日久必可有成應辦工程大局攸關豈可畏難而止估計工程除成平外共需津貼銀十六萬六千餘兩南岸濱州地段長四十里先爲籌辦估計津貼除成平外需銀三萬四千五百餘兩其濱州以上南岸堤工須俟北岸等處口門堵合以後再爲酌辦此籌辦徒駭河兩岸之情形也再應修大堤工程本議律加寬四丈加高六尺因經費太巨酌量緩修分年增培所有挑挖引河淤灘增堤培埝堵築口門應需銀兩數目臣督同河防局司道核議估計逐款繕具清單

恭呈 御覽山東連年辦理河務庫款撥用一空現與藩司等籌商移緩就急僅能湊銀二十八萬兩其餘應用銀兩惟有仰懇 飭部核發以便及時動工其餘未盡事宜隨時續行具陳又奏 臣維治河之事如治病然氾濫衝決此河之病也淤灘沙嘴橫亘河流此又治病之由也每見此岸積淤彼岸受衝日久淤高遂成坐灣大溜阻抑動爲險工古人抽溝切灘之法實足消患於無形 臣查南河故道曾據舊日河兵敗稱從前經費寬裕遇有險工藉領巨款是以沿河驛官轉以險工爲得計抽溝切灘之法視爲具文 臣思切挖淤灘沙嘴實爲治河要務擬先趕造平頭圓船五十隻每船十六人各帶鐵鉞鐵爬凡有河中淤灘沙嘴水落則登灘挑挖水漲則乘船溜爬再於對岸築壩挑水則又藉流衝刷惟製造此項船隻及添置器具每船約需銀二百餘兩購料集工一時難以多辦惟有逐漸增添以期敷用 上諭張曜奏籌辦山東黃河估計工程經費開單繪圖呈覽一摺山東黃河連年爲患迭經內外臣工條奏迄未定議現據該撫詳議辦法所籌尙屬周妥所有挑家口以下各處河淤或挑挖引河或抽溝切灘卽著分別辦理並將壩壩以下堤段接連添築以期攔水歸槽其南北灣口兩岸民埝應行增培另築或加月堤或加套埝務當逐漸施工俾資防禦至北岸遙堤等工亦應卽時興辦以臻周密趙莊暫留口門裹築壩頭趙莊以北橫築大堤直達徒駭河以資宣洩而免倒灌王家園等處口門及自禹城轄境以至商河及徒駭河

南岸懷州地段堤工均著次第堵築應用經費除該省已籌款項外不敷銀數尙鉅著戶部如數指撥的款以資工用餘著照所議辦理該省黃流頻年漫溢小民顛沛流離深宮軫惜殷懷無時少釋現經定議准疏濬堵築分流諸策一律興辦朝廷不惜數百萬帑金爲百姓禦災捍患莫厥攸居張曜爲特簡疆臣責無旁貸務當督飭在工員弁實心經理不得稍涉疎虞致滋貽誤如有應行變通盡利之處並著隨時奏明辦理另片奏切挖淤灘沙嘴擬造平頭圓船五十隻應用以後逐漸增添等語卽著照所請施行該部知道單圖併發○庚子以崧蕃爲四川布政使○前湖南提督鮑超卒予祭葬卹銀建祠贈太子少保銜戰功事蹟交國史館立傳並予諡武襄命其子祖齡承襲子爵○辛丑剛毅奏准軍機大臣字寄光緒十二年三月二十一日奉 上諭巴燕岱領隊大臣長庚奏稱西北阿勒泰山宜早防守贖金等處宜開屯田等語該大臣於邊疆地勢尙稱熟悉所稱各節不無可採著劉錦棠譚鍾麟鹿傳霖剛毅按照該大臣所奏體察地勢情形詳細規畫妥議具奏等因欽此寄 諭到臣伏查贖金係屬管邊所有議興屯田事宜自應由臣察度籌辦當經藩臬兩司暨歸綏道遵照一面委令薩拉齊同知徐秋馳往履勘茲據稟稱贖金卽台古地屬河北外套係伊克昭盟所屬之達拉特杭錦兩旗牧界西至烏拉河東二百五十餘里東至烏拉特地界二百八十九里北至黃河舊道南至現行黃河自二百餘里至一百四五十里

不等坐落西北斜向東南袤長五百餘里平川廣漠一望無垠正北狼山迤西紅山卽黃河舊道由南北行折而迤南迤東之處則東大余太什拉千烏拉前山後山峯巒接氣勢迴合續而不斷由西而東漸就收縮此蹕金一帶山勢地向之大略也套外地勢西南高而東北低溯查康熙以前河行北道並無水利自改行南道蒙古始令素興交易之商租種分佃卽就黃水衝刷低窪處所因利乘便修成渠道西則蹕金計共五渠東則土人名爲後套計共三渠紆迴約二百里中間支渠曲折蜿蜒不可枚數而餘水仍可退至河之舊道由東北折向西南繞過烏拉前山之西山嘴歸入南河土本膏腴渠又順利麥穀黍秫種無不宜以故山西直隸無業之民從前承租到此均能自立生業此套外一帶水利土宜之大略也達拉旗牧界內台吉波羅塔拉地方道光八年曾奉諭旨准其租給商種五年抵還債項等因以此欽遵在案嗣後續接相沿奉部文而承租者有之由台吉而私放者有之由各喇嘛而公放者有之開墾甚多至同治初年甘回擾攘蹕金附近各商分立仁義禮智信五社辦理團練以資安輯迨後防剿各軍駐紮防堵或設臺轉輸各商分辦運糧致荒本業渠道旋壞不復疏濬輾轉陵夷止存一二有名巨商不忍拋棄基業力耕自給而土人所稱後套地方商人其時尙有不少道光緒二年遭馬賊蹂躪不特蹕金之僻在東西陲者牛欄商號不過數家卽後套左右亦不過二百餘家頽垣廢堵觸處皆然該處土本

紅墟利於澆灌現在失所既久土質堅硬紅柳及織機草枸杞樹等茂然成林幾無路徑圍咸豐年間遠
旗歲收租銀不下十萬近歲所收租錢不及三千串文其空乏已可概見此拉特旗套外地界今昔衰旺
懸殊之大略也今若於該處設屯政則險要藉以扼地利藉以復蒙旗藉以肅誠如原奏所云於時局
不無裨益等情稟請察核前來臣伏念歸金一帶地近塞城連拱京畿形勢所關不獨爲省省緊要邊
防實亦中外輿圖關鍵誠能及時籌議屯政無事則固吾邊圉免爲進退淵藪有事則防敵伺隙使於控
制事機策誠至善第該旗收地歷經奉旨准其租種抵債以及養育閒散備辦公費等項與他處蒙古
無甚異同臣聞伍至薩拉齊之包頭伊克昭正盟長固山貝子扎那古爾迪來見面與藩商據稱該
盟達拉特等旗間有是議率皆懼忻鼓舞無非私冀開屯後土可以急公者報答朝廷之深恩下可以
沾利者稍裕身家之生計惟是辦理之初仍當明示各旗俾曉然於此舉因爲彈壓地方亦爲體恤蒙古
無論如何辦理必因其俗不易其宜斷不使該旗牧界日久歸於民人蒙無可疑且有所利庶一切不至
窒礙至目前議屯先務其要約有三端一曰分段套外西則歸金和永牛壩上下東則後套沙忽廟左右
均屬適中之地於此分爲三段撥兵一千歸金正紮三旦二道壩渠以西分紮二百沙湖爾廟正紮三百
西山嘴南哈本爾合少北分紮二百且耕且練四可以聯絡甘涼隴秦之聲氣東可以聯絡余太現紮之

馬營每兵一名給田五十畝計需田五百頃並給牛種先就易開之渠督兵挑修通暢以後兵農兩便兵則耕種自食由營官經理其餘地畝悉由蒙古商人按照向規辦理以仍其舊惟兵屯地段如西山嘴哈木爾合少北等須就近借撥烏拉特地其餘各就近借撥杭錦達拉特地以資分撥一曰修築套外渠道遼拉特杭錦二旗爲最多此外則烏拉特中旗界內大奈太昭有山水一道向來買水澆地寬窄不過二十里兩旗界內西山嘴南有珊瑚灣河道無庸另開大渠止須於灣之東北建築一壩多開支渠則烏拉前山之前全可澆灌西口界內有烏拉河渠一道係藉黃河北流舊道之口引水澆地曩係商人自開各旗領租若開商屯應將贖金後套各渠官爲修濬通利其各處舊商界內支渠仍責成各商修理務臻一律順暢以利引澆如此則商既易於招徠蒙又多獲租價將來或再於尋常租價外酌加商人二成交官名曰地糧以資公費其租價多寡仍由蒙商自行定價不准抑勒一曰設官套外地方連烏拉特三旗牧界合算東西袤延七八百里南北斜寬二百里至二百六七十里不等蒙地界址商民不能深悉向年租種者往往此招彼逐致啟爭端今既議開屯墾則事務日繁該處距薩廳甚遠勢難兼顧俟辦有端倪擬另設文武官各一員駐紮歸金專理兵屯商屯事務其設官經費卽取給於地糧二成免耗公帑過屯兵滋事卽會同營員辦理如商人欠租暨蒙人逐佃官爲分別訊理免致構釁以上三端不過將見聞所及

擬其大綱至屯墾詳細事宜必俟奉准開辦時再行條議具奏但其間尚有爲難情形亦不能不先時預計者是舉也事屬創始需用浩繁庫之積儲經費無出則籌款難開辦必自兵屯始口外地方遼闊現有之練軍均駐要隘無可抽調則撥兵難該處係遠拉特杭錦烏拉特等旗牧地必須籌商畫一方可通融屯墾則借地難臣愚以爲欲於此數難中勉籌辦法計惟有裁撤樹軍另行挑練屯軍以所節之餉爲開屯之資庶期兩得查樹軍歲需餉銀八萬四千餘兩臣現查照大同鎮總兵張樹屏查照遣撤湘軍章程厚給資糧分起護送回籍計歲省銀八萬四千餘兩擬仿練章於大同鎮屬兵額內挑兵千名作爲屯軍歲需薪糧及加練軍餉乾銀二萬八千餘兩尙餘銀五萬六千餘兩卽作屯費尙可無庸別籌如將來屯務得手屯餉等項均有所出卽將節省樹軍全餉報部備撥若夫應借蒙部地段及招商納租辦法應請旨飭下伊克昭正盟長並烏蘭察布盟長轉行遠拉特杭錦二旗暨烏拉特等三旗遵照核議果無窒礙或先試辦三年如有明效可證卽行相地審宜斟酌損益著爲定章無失寓兵於農之意然事體重大所議是否有當謹將圖金一帶形勢繪圖貼說恭呈 御覽仰懇 勅下戶部理藩院核議施行得 旨該衙門知道圖併發○壬寅命清安查勘 裕陵 聖德神功碑亭等處工程○以豫山爲湖南按察使于蔭霖爲雲南布政使王毓藻爲廣東按察使○諭載遷等奏工程緊要永濟庫欸項支絀請籌撥銀兩

一摺據稱各項工程萬難停緩擇要興修需款甚亟著李鴻章飭令藩司無論何款迅即籌撥銀二萬兩由截還等派員支領以應急需○追予陝西殉難教諭張在震等祭葬世職○癸卯命刑部郎中余顯邦馳赴臺灣交劉銘傳差遣委用○譚鍾麟奏甘肅皋蘭等州縣忽遭暴雨山水陡發淹沒民田房屋情形得旨覽奏均悉著卽督飭該管地方官分別妥籌撫恤務使實惠均沾毋令一夫失所○丙午張之洞奏瓊州一府孤峙海南黎集其中民環其外地瘠而瘠民弱而瘠其爲地方之害者一曰客匪一曰黎匪客匪大率皆籍隸嘉應州及廣州府之新寧肇慶府之恩平開平高明鶴山等縣言語風俗自爲一種土人不與爲婚姻或云卽係仡人非若他省僑寓民戶皆謂之客民也其性勤苦力作悍猛齊心所到之處土民無不視爲他族積至深習在瓊有老客新客之分老客寄居百餘年較爲安分新客則多係同治年間恩平開平高明鶴山新寧陽江等處滋事客匪前撫臣蔣益澧奏明安插高廉雷瓊等府廣西容和等縣瓊屬之儋州臨高澄邁皆有之漸衍及萬州陵水等處查瓊屬沿海居民之地悉在沙瘠近山膏腴之地悉在瘠瘠至銅鉛各礦皆在黎境土民安於貧弱地利坐落瘠地腴田多屬客產光緒五年客匪滋事經前撫臣派軍前往分別懲辦還之雷廉乃未久而潯回故里爲匪如故以後土客之衅遂成黎人所居最深處曰黎母山其地居瓊之中盤亙數百里現在未經開通之處縱橫二百餘里十三州縣環之定安

會同樂會萬州陵水崖州等處皆有峒口出入前代生黎榛莽荒陋爲患尙輕百年以來熟黎與民人往來習爲狡黠生黎漸稀出巢益數諸黎以儋州臨高爲最馴臨水俸黎歧黎爲最悍崖黎富強亦易滋事其出也北路則定安當其衝而波及於瓊州南路則萬州陵水當其衝而旁擾於樂會從前出掠不過附近內山而已近七八年來客匪遊勇散入其中奉惠州客民陳鍾明陳鍾古爲總頭合生黎熟黎客匪遊勇爲一夥名爲黎而不盡真黎遂敢離巢數百里大肆劫殺其軍火鹽米皆由客民接濟每生一項易鎗一枝火器既具黨羽益多得以抗拒官軍習爲戰鬪歲必出巢兩三次該處官軍未嘗認真痛剿一次不過零星分防尼截客匪幸未回巢以爲了事大率客匪以黎峒爲負隅藉黎人爲聲勢黎匪以客匪爲嚮導藉遊勇爲附從客黎糾結全瓊遂無安枕之日此二十年來客黎各匪蓄毒構衅勾結滋蔓之實在情形也其僭臨客匪一股自光緒五年查辦巡徙以後當時設局籌費給予圖記使客籍紳士自加約束而局紳楊元珍陳贊桂阮祖祿等庇匪仇民匪徒益無所忌迨上年冬間澄邁紳團入臨高搜捕復爲該局紳阻回時值歲旱米貴人心搖動匪首黃鄒保等糾新老各客匪於十一月揭竿連起到處裹脅難匪遊勇乘機附和旬月之內衆至二千餘人以臨高之和占蘭洋岑崙臨豐儋州之抱占田表樂基那安四方山大星等市爲老巢擾至澄邁之金江司瑞溪等處金江爲澄屬大鎮市該處既破賊勢蔓延臨澄百

餘里間所到村莊恣意焚殺勒索資財民間積聚一空而陵萬黎匪復有出掠會樂之信合郡驚擾臣聞報後卽電飭署瓊州鎮總兵劉成元護雷瓊道瓊州府知府謙貴調集駐瓊各軍以兩營防黎匪以三營剿客匪黎匪旋退合軍進剿西路參將陳榮輝率粵軍提督張拔萃率楚軍迭據鎮道稟報節次擊賊獲勝收復金江楓樹市西西峯下嶺等村官軍進紮那大和舍擒斬匪首劉真發陸真佑林鴻猷龐六石等及餘匪多名匪首黃鄒保溫河清率黨赴陳榮輝營投誠溫河清並斬其黨范亞先江二來獻請照光緒五年安插僑臨客匪成案將此股投誠丁口移徙欽州白龍尾墾荒自給等情前來臣查該鎮道迭稟以該匪屢經官軍戰勝畏剿投誠自願交兇就徙始定撫議乃經臣訪問官軍並未痛剿民恨客匪痛入骨髓咸以此策爲非且白龍尾在欽州西南海濱正與越境毗連豈有將無數匪徒置之界上自貽邊患之理當經駁飭再議遂至枝梧無策其時衆論參差民情惶惑竊思督辦欽廉防務提督馮子材威望素優欽廉僅隔一海情形熟悉復經詢商該提督謂客匪不可信未剿而撫亦非長策適瓊民亦紛紛赴欽呈訴懇馮子材發兵往剿當經電奏遵旨飭派馮子材親赴瓊州察看情形孰宜撫孰宜誅以定辦法兼籌黎事六月十三日奉旨此項餘匪業經就撫義無盡誅著馮子材赴瓊妥籌安插仍隨時妥商張之洞詳細辦理勿得稍有輕忽欽此遵卽恭錄咨催馮子材於七月初旬抵瓊而黎勢又作自本年春間黎

匪出擾瓊山之屯昌市七月間逆首陳鍾明部下黎客雜匪千餘擾定安之南崗仙溝雷鳴各市及澄邁之新吳市同時另有儋州匪徒陳鍾銘糾衆滋事攻掠感恩縣西鄉黎漢各村至陳榮輝所撫客匪飭令造冊送點遷延避匿其頭目多自營逃歸撫局竟未就緒遂次派員赴瓊密查接閱該處申報並由馮子材及道員方長華封送紳民稟牘數十起備知該客匪異常兇悍文詞悖逆士民連年受害甚酷卽如去冬出擾澄邁所屬焚掠至百餘村戕害良民至七八百人擄掠婦女至百餘口劫去耕牛至二千餘隻財物至值錢百餘萬串追官軍進剿縱有斬擒而巨慙未殄大股仍在勉爲就撫首鼠兩端其心叵測黎匪今秋出擾距定安縣城止三十里焚殺亦甚兇慘回巢時告擄脅運送財物之民人云俟下次出巢再併給扛擡價值尤爲狂悖自馮子材到瓊後羣情欣悅籲懇爲民除害上綜核情形客匪黎匪皆宜剿撫兼施若再不圖良策大拯瓊民糜餉分防永無底止受害愈深失業愈衆養癰長寇大勢燎原數年以後必至瓊地全爲羣匪糜爛而後已查前署雷瓊道王之春遵旨隨同勘界所部久無主將漸就懈弛先於六月間檄委在東差委之廣西候補道方長華赴瓊籌辦客黎各匪卽接統其衆將原有殺字春字各營重加整頓汰弱留強編爲八底營統名瓊軍仍飭聽馮子材節制近日迭與馮子材電商定議客則臨以兵威分別良莠誅其兇悍爲亂抗拒不悛者撫其安分謀生真心悔罪者或卽用爲官兵前驅攻黎

自順或遷往他處相宜地方應俟臨時察看情形由馮子材督飭方長龍及瓊屬地方官妥爲辦理黎則先剿積年逆首陳鍾明一股並將附和擾害之外匪亂黎痛加懲創以次招徠其黎宣布朝廷德意相機進兵如其勢順情通再議深入老山馴定開土之策伏查本年正月二十二日 寄諭瓊州黎人迭次滋事重煩兵力果能設法化導變桀爲馴柔實爲當務之急等因欽此仰見 聖謨廣運灼見孤島籌防必先自清內患始倘能從此長驅深入仿照前明以來海瑞諸人開通黎峒十字路之義據其腹心通其險阻令其雜髮嚮化設立土目從此漸開礦利廣植禾蔗增益賦稅利民通商於海防實有大益即使地終不能富民終不能強而瓊地永除心腹之患瓊民亦免塗炭之苦亦地方官必不容已之責當務爲急誠如 聖諭此 聖所以熟籌深念不能不爲大舉剿辦之計者也惟地勢廣闊山僻深窵今擬客黎兼辦數路並進兵力過單無濟於事馮子材所部萃軍除留欽防外赴瓊者第四底營茲酌添十四底營並以瓊軍八底營陳榮輝全字兩底營調往協剿之王孝祺勦軍一底營尙可勉強分布惟餉源奇絀祇得飭司局設法挪湊移緩就急暫爲應付並咨商馮子材勸諭紳民曉以大舉安民之意就地籌集經費以助軍需至該前署鎮劉成元兼護道謙貴於該處賊鋒恣肆生靈荼毒官軍不能得力並未詳切稟聞籌畫妥實辦法但以賊匪敗退就撫爲詞敷衍了事實屬玩忽因循昧於事機自應予以懲儆除接署瓊州

鎮張得祿在任日淺業經病故應予免議外相應請 旨將前署瓊州鎮總兵記名提督劉成元交部議處兼護雷瓊道瓊州府知府謙貴革職留任前署海口營參將南澳鎮左營游擊陳榮輝輕於撫匪草率敷衍且報戰狀不免鋪張尤爲軍營積習亦宜懲儆姑念該參將深入瘴地尙有斬獲擬請將陳榮輝革職留任責令將所撫各匪刻日追剿送交馮子材辦理以竟前局如始終不能切實出力卽行從嚴參辦馮子材現督辦欽廉防務應請明降 諭旨令該提督兼辦瓊州客黎事宜其鎮道以下各官及瓊防各營兵勇悉歸節制以一事權得 旨此項客黎各匪必應分別良莠剿撫兼施著馮子材督率各營相機辦理以靖地方其稟報不實之提督劉成元著交部議處知府謙貴游擊陳榮輝均著革職留任該部知道○戊申祭 歷代帝王廟遣載勳行禮○己酉准前四川按察使牛樹梅列入國史循吏傳○庚戌上幸 北海觀射○追予故湖北提督羅思舉在原籍四川建祠○壬子劉銘傳奏臺灣產樟腦硫磺兩項民間私煮私售每多械爭滋事經內閣學士臣林維源道員林朝棟等籌商收歸官辦以助撫番經費臣查硫磺一項歷由已革浙江候補知府通商委員李彤恩兼辦飭令該委員會同候補知府丁達意將樟腦硫磺籌議辦理章程以收自然之利據李彤恩等稟稱樟腦一項近來日本出產甚多香港腦價日落若歸官辦每石可獲利二三元蠶產每年可出樟腦萬石硫磺蠶產最佳經前兩江督臣沈葆楨奏請

開禁採備官用歷年辦有積存每石成本洋一元官買每石價洋三元每年出產六七千石上等硫磺每年約出千石均解歸官用其次積聚三千餘石官既不用商禁未開不能出口日久愈積愈多不獨糜費棄置可惜且香港年銷硫磺至萬餘石運至江南天津一帶煮灰製扇草帽蒸炊餽餽製造爆竹銷路甚廣臺灣硫磺產甚佳奸民私煮販運出口不一而足以自採之磺禁不出口既聽日本暢銷又不能禁止奸民私煮若設法經理雖獲利無多於撫番經費不無小補等情前來臣查臺灣樟腦硫磺兩項民間私煮私售每多械爭滋事歸官收買出售發給執照出口就目前情形而論每年可獲利三萬餘元以後若能出產多銷路暢經理得人日漸推廣以自有之財供無窮之用實於國計民生兩有裨益惟硫磺一項雖沈葆楨奏請開禁採歸官用尚未准商運出口相應請旨一體開禁以暢銷路而免堆積允之○甲寅諭閩敬銘奏差使繁重銷假後慮難勝任懇恩開去要差一摺閩敬銘病已就痊著毋庸開去軍機大臣差使○乙卯賞給通州煮賑米八百石並加賞小米二千石○丁巳諭閩敬銘奏滯陳下情懇恩於軍機處戶部兩項差使開去其一等語閩敬銘向來辦事實心任勞任怨明廷深資倚畀據奏久病之後力難兼顧情詞懇摯自應量加體恤著准開軍機大臣差使俾得專心部務以副委任所有年間應得各項俱照軍機大臣例賞給用示優眷○諭前據御史鳳英等奏參護軍統領明安揀選官缺不公以致兵丁

武弁互相扭毆當諭令將藍翎長瑞連等交刑部訊究並令明安明白回奏嗣據明安奏稱揀選護軍校官缺因看步射瑞連雖中靶一枝而當差年淺瑞斌並未中靶未擬正陪等語茲據刑部奏審明分別按律定擬此案已革藍翎長護軍瑞連已革護軍瑞斌赴揀護軍校官缺經刑部查明馬步箭均射中未經挑取心懷不甘輒卽上堂爭論雖訊無酗酒咆哮情事究屬不安本分均著照所議杖八十瑞連業已斥革免其發落瑞斌業已革去錢糧仍鞭責發落護軍校奎林惠成經該營參領飭令彈壓瑞連等不服管束並不稟請究辦竟與鬪爭殊屬不合均著交部議處護軍統領明安揀補官缺自應秉公挑選乃不比較馬步優劣任意去取迨經御史奏參降旨詢問該統領覆奏摺內輒稱瑞斌並未中靶且不聲明瑞連等馬射中額語多含混顯係有意徇私掩飾迴護明安著交部議處餘依議該部知道○己未諭清安奏遵查 裕陵 聖德神功碑亭有滲漏坍塌情形惟本年方向不宜應否修理請旨遵行等語著歸入明年另案工程由工部奏明辦理餘依議○諭前據給事中劉恩溥奏參直隸大名縣知縣陶鈺署元城縣知縣虞運華青縣知縣包增澍大名鎮總兵徐道奎開州協副將張桂芳營官張廷標李大等貪劣暴戾各款請飭查辦等語當交李鴻章查明具奏茲據遵奏詳查原參各款分別開單呈覽除查明並無不合各員無庸置議外調署元城縣知縣虞運華開州協副將張桂芳均年力就衰難期整頓著一併勒令休

致青縣知縣包增澍偏聽家丁任令擅作威福於賑撫重件並不嚴防弊竇致牌頭科斂錢文辦賑委員候補主簿萬鍾環頗有嗜好候補府經歷翟光樹聲名平常著一併革職至大名縣知縣陶鈺雖據查無嗜好實據惟既招物議著卽開缺回省察看如有劣跡卽行從嚴參奏餘著照所議辦理該部知道單併發○諭軍機大臣等有人奏雲南派捐病民請飭禁以蘇邊困一摺著岑毓英查明據實具奏○頒給江西瑞昌縣城隍廟及白龍潭龍神廟匾額○以孟冬時享太廟上前期親詣行禮